



10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

C 40-4514

了翁一庵請大藏及有
家書置之武昌惠山
我名號號號號號
為母者不識許以民內
當山二十一歲十極譲談



B 64863

大方廣佛華嚴經疏鈔卷第五十二之一

于闐國三藏沙門實叉難陀

譯

清涼山大華嚴寺沙門澄觀撰述

如來出現品第三十七之三



疏第五明出現境界正顯分齊之境兼辨所緣之境依初義者前約智以顯心此正明智用分齊依後義者前明能知今辨所緣由所緣無邊故顯分齊難思故方窮所緣之境一義相成如函蓋相稱鈔依初義下對前一義以辨來意

佛子菩薩摩訶薩應云何知如來應正等覺境界。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

圭肩頭金卷二十一

疏文中長行分三謂標釋結。

佛子。菩薩摩訶薩以無障無礙智慧知一切世間境界。是如來境界。知一切三世境界。一切刹境界。一切法境界。一切衆生境界。真如無差別境界。法界無障礙境界。實際無邊際境界。虛空無分量境界。無境界境界。是如來境界。

疏釋中二先法後喻。法中亦二先廣取所緣顯分齊境後近取諸心。以況佛境前中又二先列所緣無邊後顯分齊無量。今初先令以無障礙智爲能知者。非此不能量佛境故後正顯所緣文有十句。

一通舉所化。二化時。三化處。四化法。五所化人。六七八三皆明所證於中真如語其體常一味故云無差別法界。生法所依故云無礙。實際是窮事至實故云無邊。九化處分齊後一徧通若約二諦境前五爲俗次三爲真。九通真俗事空理空俱是空故後一雙非顯前九境卽同無故若約三諦空卽是真三真爲中道若以五界攝之初三是世界無量四卽調伏及調伏加行界五卽衆生次三卽法界餘二雙非。

佛子。如一切世間境界無量。如來境界亦無量。如二

切三世境界無量。如來境界亦無量。乃至如無境界。境界無量。如來境界亦無量。如無境界。境界一切處無有。如來境界亦如是。一切處無有。

疏二。佛子如一切下顯分齊無量中先約十境以顯分齊境智相稱故皆無量後約無境顯其非有乃至真如皆不可得故是以諸境雲興而常寂也如無既爾如真如等無變易等亦然。

佛子。菩薩摩訶薩應知心境界是如來境界。如心境界無量無邊無縛無脫。如來境界亦無量無邊無縛無脫何以故。以如是如是思惟分別如是如是無量顯現故。

疏第一。佛子至應知心下近取諸心以況佛境於中二先正明後徵釋今初無量無邊語其相用廣大無縛無脫明其體性深寂次徵意云何以將心況於佛境釋意云菩薩自心隨思卽顯故無分量佛境亦爾隨機顯現若身若智何有量耶智假思顯則性無縛脫不爲相縛後無脫故。

佛子如大龍王隨心降雨其雨不從內出不從外出如來境界亦復如是隨於如是思惟分別則有如是無量顯於十方中悉無來處佛子如大海水皆從龍

王心力所起諸佛如來一切智海亦復如是皆從如來往昔大願之所生起。

疏第二佛子如大龍下。喻顯有三喻。前一喻無縛無脫後一喻無量無邊無量無邊通前一段今初前明降雨無從喻。正喻無縛脫既無來處有何縛脫耶後明海水從心喻。喻無縛脫所因水從心力爲因非定內外。智從昔願緣起故來卽無來。

佛子一切智海無量無邊不可思議不可思議不可言說然我今者畧說譬喻汝應諦聽。

疏第二海水宏深喻。喻無量無邊中三先標章誠

聽

佛子此闍浮提有一千五百河流入大海西拘耶尼有五千河流入大海東弗婆提有七千五百河流入大海北鬱單越有一萬河流入大海佛子此四天下如是二萬五千河相續不絕流入大海於意云何此水多不答言甚多佛子復有十光明龍王雨大海中水倍過前百光明龍王雨大海中水復倍前大莊嚴龍王摩那斯龍王雷震龍王難陀跋難陀龍王無量光明龍王連澍不斷龍王大勝龍王大奮迅龍王如是等八十億諸大龍王各雨大海皆悉展轉倍過於

10 1 2 3 4 5 6 7 8 9 20

1 2 3 4 5 6 7 8 9 30

1 2 3 4 5 6 7 8 9 10

前娑竭羅龍王太子名闍浮幢雨大海中水復倍前
佛子十光明龍王宮殿中水流入大海復倍過前百
光明龍王宮殿中水流入大海復倍過前大莊嚴龍
王摩那斯龍王雷震龍王難陀跋難陀龍王無量光
明龍王連澍不斷龍王大勝龍王大奮迅龍王如是
等八十億諸大龍王宮殿各別其中有水流入大海
皆悉展轉倍過於前娑竭羅龍王太子闍浮幢宮殿
中水流入大海復倍過前佛子娑竭羅龍王連雨大
海水復倍前其娑竭羅龍王宮殿中水涌出入海復
倍於前

疏二佛子此闍浮下喻顯三佛子此大下法合喻
中初別顯水多文有四節一四洲水二龍王兩
水三宮殿出水四娑竭王兼雨兼出皆後後倍前
以顯深廣

其所出水紺瑠璃色涌出有時是故大海潮不失時
疏二其所出下通顯水相涌出故潮上速爲寶消
故潮下此爲極說

佛子如是大海其水無量衆寶無量衆生無量所依
大地亦復無量

疏三佛子如是大海下通顯無量衆水有四

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

佛子於汝意云何。彼大海爲無量不答言實爲無量不可爲喻。佛子此大海無量於如來智海無量百分不及一千分不及一乃至優波尼沙陀分不及其一但隨衆生心爲作譬喻而佛境界非譬所及佛子菩薩摩訶薩應知如來智海無量從初發心修一切菩薩行不斷故應知寶聚無量一切菩提分法三寶種不斷故應知所住衆生無量一切學無學聲聞獨覺所受用故應知住地無量從初歡喜地乃至究竟無障礙地諸菩薩所居故。

疏第三合中二先合水無量佛智一念卽無窮盡況盡三際周乎十方重重重重安可喻顯二佛子至應知如來下合通顯無量非唯智爲佛境菩提分等皆分齊境也智海合水餘合寶等並顯可知佛子菩薩摩訶薩爲入無量智慧利益一切衆生故於如來應正等覺境界應如是知。

疏大文第二總結卽結云知意不知佛境安能利生。

爾時普賢菩薩摩訶薩欲重明此義而說頌言。

如心境界無有量諸佛境界亦復然如心境界從意生佛境如是應觀察。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

疏第二偈頌五偈分二初一頌法說。

如龍不離於本處。以心威力澍大雨。雨水雖無來去處。隨龍心故悉克治。

十力牟尼亦如是。無所從來無所去。若有淨心則現身量等法界入毛孔。

疏餘頌前喻亦二初二合頌前一喻同喻無縛脫如海珍奇無有量。衆生天地亦復然。水性一味等無別於中生者各蒙利。

如來智海亦如是。一切所有皆無量。有學無學住地人悉在其中得饒益。

疏後二頌大海宏深喻但頌通顯無量。餘文畧無。
○疏第六出現之行前明分齊境智無邊。今彰運用則悲智無盡。雖智海已滿悲無息。故 鈔雖智海下二通妨謂有問言行在因中。今果何有。釋云行雖無量總不出二。謂智與悲智行已圓自利滿故而運卽智之悲利他不息。若爾何以下文說真如行。答此卽果滿之行將說悲智無礙之行。故說真如行之本耳。

佛子菩薩摩訶薩應云。何知如來應正等覺行。疏長行中二先標舉後釋相。

佛子菩薩摩訶薩應知無礙行是如來行。應知真如行是如來行。

疏釋相中三初雙標一行次雙釋二行後雙結二行。今初義有多含一無礙行者卽理之事行真如行者卽事之理行前卽行相後卽行體又前是卽智之悲後是卽悲之智前卽真之俗後卽俗之真融而無礙爲如來行。

佛子如真如前際不生後際不動現在不起如來行亦如是不生不動不起。

疏第二佛子如真如下雙釋中二先釋真如行後

釋無礙行。今初真如之名言含法喻文中有三初牒名以解明體絕三際故同真如契如成行行卽如也過未非緣故不生不動現在離緣故非起也鈔真如之名者經云如真如前際不生等卽以真如喻佛行也若佛行契如行即是如故卽是法過未非緣者過去緣已謝未來緣未會故曰非緣由非緣故過去無可生未來無可動現在雖在緣中不與緣合故云離緣故廻向中明徧在三世不同三世徧在一切而非一切故緣雖起滅而湛然無起。

佛子。如法界。非量。非無量。無形故。如來行亦如是。非量。非無量。無形故。

疏二復舉法界無形明雙非契中。是知實相等。皆如來行。

佛子。譬如鳥飛虛空。經於百年。已經過處。未經過處。皆不可量。何以故。虛空界無邊際故。如來行亦如是。假使有人。經百千億那由他劫。分別演說。已說未說。皆不可量。何以故。如來行無邊際故。

疏三舉鳥飛虛空喻。釋非量義。非量有二。一。行廣無量。故云如來行無邊際故。二。卽事同真。便無分

量。故以空喻。既無有量。何有無量。若謂無量。即是量。故雙非永寂。爲如來行故。心彌虛。行彌曠。終日行而未曾行。故涅槃云。復有一行。是如來行所謂大乘大般涅槃。鈔若謂無量者離量有無量故。故楞伽云。無心之心量。我說爲心量。謂以無心量而爲是者。還是心量耳。故心彌虛。句明無量不礙量。終日行句。明量即無量。涅槃下卽十一經遠公有一釋。一云辨行所依。謂如來先成之德修習趣入。亦可五行是其教行顯性成行。是如來行顯。如來性以成行。故意云此。一即是證行。證性而成行。

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷五十一

舟

演

故。

佛子。如來應正等覺。住無礙行。無有住處。而能普爲一切衆生示現所行。令其見已出過一切諸障礙道。疏第二。佛子如來應正等下。釋無礙行文中二先約法總明。後以喻別顯。今初智無所住。悲示所行。卽悲智無礙。自無二礙。令他無礙。皆無礙行也。佛子。譬如金翅鳥王。飛行虛空。廻翔不去。以清淨眼觀察海內諸龍宮殿。奮勇猛力。以左右翅鼓揚海水。悉令兩闢。知龍男女命。將盡者。而搏取之。如來應正等覺。金翅鳥王亦復如是。住無礙行。以淨佛眼。觀察法界諸宮殿中一切衆生。若曾種善根已成熟者。如來奮勇猛之力。以止觀兩翅。鼓揚生死大愛水海。使其兩闢。而撮取之。置佛法中。令斷一切妄想戲論。安住如來無分別無礙行。佛子。譬如日月。獨無等信。周行虛空利益衆生。不作是念。我從何來。而至何所。諸佛如來亦復如是。性本寂滅。無有分別。示現遊行一切法界。爲欲饒益諸衆生故。作諸佛事。無有休息。不生如是戲論。分別我從彼來而向彼去。

疏二別以喻顯中二喻。初金翅闢海喻。喻卽智之悲。後日月無思喻。喻不失智。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 10

佛子。菩薩摩訶薩應以如是等無量方便無量性相知見如來應正等覺所行之行。

疏第三佛子至應以如是下雙結二行性結真如相結無礙。

爾時普賢菩薩欲重明此義而說頌言。

譬如真如不生滅無有方所無能見大饒益者行如是出過三世不可量。

法界非界非非界非是有量非無量大功德者行亦然非量無量無身故。

如鳥飛行億千歲前後虛空等無別衆劫演說如來行已說未說不可量。

金翅在空觀大海闢水搏取龍男女十力能拔善根人令出有海除衆惑。

譬如日月遊虛空照臨一切不分別世尊周行於法界教化衆生無動念。

疏第二偈頌有五前二頌真如後二頌無礙。

佛子。諸菩薩摩訶薩應云何知如來應正等覺成正覺。

疏第七出現菩提圓行之果故對緣造修必有成正覺故。鈔圓行之果下明來意有二上約真菩

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

提辨來意。對緣造修下約應菩提以辨來意。
疏文中三謂徵起釋相總結徵言正覺畧顯五門
一釋名。晉名菩提存其梵語此翻爲覺。正揀二
乘成異菩薩初會已顯又單語菩提但是所覺之
道。今云成者即理智契合之名。

疏一明體性攝論云。一智。一斷爲菩提體。智論云
菩提菩提斷俱名爲菩提。若依此經通一切法如
文具之。鈔二辨體者此引一論。一互相成攝論
第九智論第三。二智卽根本後得。一斷卽斷煩惱
所知。此經圓宗故通一切。下云得一切法量等三
輪自他平等因果交徹。如是等義故通一切。

疏三辨種類或說唯一。如智契合無二相故淨名
云。夫如者不二不異故或開爲一大品明有性淨
菩提及修成故亦名性淨方便淨也或分爲三。約
三乘故如十地論或開爲四。涅槃云下智觀者得
聲聞菩提乃至上上智觀得佛菩提又四智菩提
亦是四義或分爲五。如大品智論說發心等或具
明十如離世間品。唯十爲圓是此所辨三除前二
四除前三五除前四餘皆兼通同教一乘之所攝
故若業用所現則無所不收。鈔三辨種類於中

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

撰述

華嚴疏鑑卷五十一

十一

酒

有一先正辨夫如者不二不異卽彌勒章下當辨意涅槃云下智觀等六地已引或分爲五者智論五十八云一發心菩提無量生死中發阿耨多羅三藐三菩提心故名菩提因中說果二伏心菩提斷諸煩惱降伏其心行諸波羅蜜三明心菩提觀三世諸佛法本末總別相分別得諸法實相謂般若波羅蜜四出到菩提於涅槃中得方便力故不著若滅一切煩惱見一切佛得無生法忍出三界到薩婆若五無上菩提坐道場斷習氣得阿耨多羅三藐三菩提或具十者卽五十九經十種成如來力爲十菩提經云佛子菩薩摩訶薩有十種成就如來力何等爲十一超過一切衆魔煩惱業故成如來力二具足一切菩薩行遊戲一切菩薩三昧門故成如來力三具足一切菩薩廣大禪定故四圓滿一切白淨助道法故五得一切法智慧光明善思惟分別故六其身周徧一切世界故七所出言音悉與一切衆生心等故八能以神力加持一切故九與三世諸佛身語意業無有殊異於一念中了三世法故十得善覺智三昧具如來十力故成如來力是爲十若諸菩薩具此十力則名如

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

來應正等覺句句皆有成如來力言。此十菩提多
同今經唯十爲圓下。第二科揅先示別教後三除
下約同教門揅而收之。

疏四明業用文有十門而體用參顯各隨別義立
目。今統收之謂緣二諦斷二障證二空起二智印
群機現萬像具十身徧十方周於毛端微塵等處
通因及果業用無邊具如文顯鈔四明業用者。
以下科經有其十門兼體相用今唯辨用有其十
耳不出下文。

疏五者辨相即當釋文畧辨十門一總明體相二

印現萬機三體相甚深四三輪平等五因果交徹
六體離虧盈七相無增減八用該動寂九周于法
界十普徧諸心十門之中亦可當門別釋。

佛子菩薩摩訶薩應知如來成正覺於一切義無所
觀察於法平等無所疑惑無二無相無行無止無量
無際遠離二邊住於中道出過一切文字言說。

疏今且以初爲總餘九爲別別雖九門而釋十義
初釋第一二釋第十謂舉初該後三從第二次第
解釋第十一門釋八九二義至文當知釋文顯然
不應異解今初總明具有十門皆含體相用三一

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

寂照爲菩提體故云於一切義無所觀察一切義者真俗境也觀極於無觀故淨名云不觀是菩提離諸緣故如海無心而能頓鑒非無所了故晉經云解一切義二經合明義方圓妙解即是觀觀即無觀既觀念斯寂無惑習種無觀是體照斷爲用合之爲相鈔離諸緣者有觀則有緣無緣則絕觀如海下釋文以成上義非無所了下成上觀極於無觀義謂觀智之極謂之無觀無彼分別取相之觀非無甚深無分別觀故晉經下合明二經應云解一切義無所觀察改於爲解義則圓足譯經之人見下文有知衆生心故此但明無觀之義既觀念下上明成智卽無分別智今明斷障卽斷煩惱無觀是體下結成具三無觀是體者無念體也照智是上無分別智斷卽是向無惑習種合爲相者謂寂照無二爲菩提相猶如明鏡無心爲體鑑照爲用合爲其相亦卽禪宗卽體之用自知卽用之體恒寂知寂不二爲心之相

疏二等同萬法爲菩提體謂知與達冥同一圓覺故云於法平等而不失照決斷分明云無疑惑旣無所疑卽所知永寂上二已攝攝論之體鈔

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

撰述

華嚴經卷五十一

三

二等同萬法者釋經於法平等無有疑惑卽是下文三輪平等上二已攝等者初是實智斷煩惱障二是權智斷所知障故二句中已具二智二斷體也。

疏三一成一切成不見生佛有異故云無二以知一切衆生卽菩提相故亦是能所不二淨名云不二是菩提離意法故鈔三一成者釋經無二卽是下文因果交徹於中有二一明生佛不二卽一成一切成故下釋云如來成正覺時於其身中普見一切衆生成正覺等闍引淨名一切衆生卽菩

提相卽菩提相于何不成二明能所不二卽下釋中皆同一性闍引淨名不二是菩提離意法故法卽是所意卽是能良以心境同一性故生佛亦然此章淨名皆彌勒章。

疏四總指前三體相衆生寂滅是菩提滅諸相故鈔四總指前三者釋經無相卽是下文體離虧盈下釋云成與不成常無增減菩提非相非非相故由寂滅故無有虧盈寂滅卽是無相義故引淨名云滅諸相故釋於寂滅。

疏五卽心行處滅湛然不遷亦是不行是菩提無

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

憶念故。鈔五心行處滅者釋經無行。即是下文相無增減。故云湛然不遷釋云。若無有相則無增減。

疏六雖覺而常定。不住定故。鈔六雖覺者。釋經無止以不住定故。即是下文用該動寂。下釋云。住善覺智三昧。而現多身。由不住止。故能動用。

疏七有二義。一橫徧十方。廣無量故。二體無生滅。絕分量故。鈔七有二義者。釋經無量。即是下文周于法界。此中有二下釋亦二。明一毛含於多佛。周徧法界。即是此中初義。又云如來成正覺身。

究竟無生滅故。卽第一義。

疏八亦二義。一豎念念成無際畔故。二得永常。無後際故。心無初相。冥符於理。無前際故。鈔八亦二義者。釋經無際。即是下文普徧諸心。下釋亦二。云菩薩應知自心。念念常有佛成正覺。卽此暨無際畔。二下釋云。何以故。諸佛如來不離此心成正覺故。卽第二意。念念應即是化身。一得永常。卽是報身。心無初相。下契同法界身。然此一句。卽起信論。論云。菩薩地盡覺心。初起心。無初相。以其遠離微細念故。得見心性心。卽常住名。究竟覺下。

撰述

東坡全集卷五

云不離此心。卽冥符理義。然覺心初起。心無初相。自有二意。一者覺是能覺。心是所覺。心是初相。卽業相。是微細念。最初迷真。不覺心動。今無此相。二者覺心。合明謂正。覺心起。無能起相。故與理冥。若有起相。不合理。故正取此意。故云心無初相。冥符於理。義兼於前。以無細念。故無覺相。由依法相化。身有始。有終。報身有始。無終。法身無始。無終。今符於理報。亦無始。故云始覺。同本覺。無復始本之異。名究竟覺。故云無前際。故則無始也。無終。同於上句。無後際耳。法報既融。卽體之應念。念無斷。三身

疏九離過契中。晉經此前有無縛無脫並含在二邊之內。謂若染若淨。若縛若脫。有無一異等。斯過皆離不偏住著故曰離過非見有過過即中故無中無過方住中道。鈔九離過契中下釋經遠離二邊住於中道即是下文普偏諸心下釋云廣大周徧無處不有不離不斷無有休息人不思義方便法門疏文有二先釋離過後釋住中今初經云離過未知何是故舉晉經及取下釋畧舉四種以一切染淨約惑縛脫通惑業有無通事理一異

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴經卷五十一

七

約心境何以有此。謂成菩提既離細念顯現法身。智慧純淨若爲此見。未免是邊故上經云。若有見正覺解脫離諸漏不著一切世。彼非證道眼。今了於惑體性本空。後無所淨。故離一邊又染淨交徹。故無住著。是曰離邊縛脫者。謂昔常被惑業繫縛。流轉無窮。今得菩提釋然解脫。若爲此見。即是住邊菩提智了。本自無縛。於何有解無縛無解。則無樂狀。故得離耳。有無上言通事理者。若昔謂惑有今了惑空。昔謂心空。今知妙有。又真樂本有失而不知。妄苦本空得而不覺。今日始知空者妄苦。有

者涅槃。若如是知。並未離邊。又煩惱業苦本有今無。菩提佛身本無今有等。皆三世有法。菩提之性不屬三世。故三世有無。皆是邊攝。真智契理。絕於三世。故離有無之二邊等。一異。有一一者。心境不了。則一二契合。則一亦成於邊。二者生佛有異。今了。一性亦名爲邊。今正覺了。此中無有二。亦復無有一。大智善見者。如理巧安住。故離此邊而言等者。謂斷常來去。生滅依正。雖是二法。皆稱爲邊。又二與不二。亦名爲邊。今契菩提。一切都寂。故云遠離。不徧住下。釋住於中道。然通妨難。生下契中。謂有

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9

難言。若離於邊。未免於邊。有取捨故。釋云。不偏住。著名曰。離邊非見。有邊而可離也。謂不偏住。染淨性空。故性即淨。故不偏住淨。若無有染。則無淨。故淨相離。故同染性故。染淨交徹。安可住耶。智契此理。故曰。離邊故。言非見。有邊邊即中。故復有難云。有邊即有中。邊既即中。則無邊矣。既無有邊。對何說中。故次答云。無邊無中方。住中道。此有一意。一順上答。謂誠如所言。無邊無中。故曰。中道。若有中邊。非真中也。二反上答。謂中道。有一一者。相待。則離邊住中。二者絕相。即邊而中。相待而空。則有邊中。無邊無中。爲真中矣。相待。絕待。尚是相待。得意亡言。言不盡矣。歷上染淨等。一一皆然。

疏十總顯離言。上九寄言顯深。未盡菩提之奧。故收歸性離。令亡言契之。鈔十總顯下釋。經出過一切文字言說。即是下文體。相甚深。斯則上九寄言顯深。今菩提離言顯深。

知一切衆生心念所行。根性欲樂煩惱染習。舉要言之。於一念中。悉知三世一切諸法。佛子。譬如大海。普能印現四天下中。一切衆生色身形像。是故共說以爲大海。諸佛菩提亦復如是。普現一切衆生心念根

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

性樂欲而無所現是故說名諸佛菩提。

疏第二知一切衆生下印現萬機卽海印三昧文
中三初法一念知三世名一切智次喻卽舉海印
以喻菩提無心頓現三合言無所現者有三義一
無心現故如海一所現空故如像三無別體故如
水與像不可分異自體顯現故名爲覺起信論云
諸佛如來離於見想無所不徧心真實故卽是諸
法之性自體顯照一切妄法有大智用斯卽無思
顯照同體之境爲菩提相用故上文云於一切義
無所觀察鈔無所現者一無心現約止二所現

空約觀三無別體約止觀契合又一約心二約境
三心境兩冥又一約智二約理三理智冥契就第
三義中疏先正釋自體顯現者通妨謂有難言若
無別體何能普現衆生心行故答云自體顯現如
珠有光自照珠體珠體喻心光喻於智心之體性
卽諸法性照諸法時是自照耳故引起信文甚分
明然論問曰虛空無邊故世界無邊世界無邊故
衆生無邊衆生無邊故心行差別亦復無邊如是
境界不可分齊難知難解若無明斷無有心想云
何能了名一切種智答曰一切境界本來一心離

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1

於想念以諸衆生妄見境界故心有分齊以妄起
想念不稱法性故不能決了諸佛如來離於見相
無所不徧心真實故即是諸法之性自體顯照一
切妄法有大智用無量方便隨諸衆生所應得解
皆能開示種種法義是故得名一切種智釋曰疏
但引中間以證自體顯照前後可知故不廣引
佛子諸佛菩提一切文字所不能宣一切音聲所不
能及一切言語所不能說但隨所應方便開示

疏第三佛子諸佛菩提下性相甚深性離言故理
圓言偏故

佛子如來應正等覺成正覺時得一切衆生量等身
得一切法量等身得一切利量等身得一切三世量
等身得一切佛量等身得一切語言量等身得真如
量等身得法界量等身得虛空界量等身得無礙界
量等身得一切願量等身得一切行量等身得寂滅
涅槃界量等身

疏第四佛子如來應正等下三輪平等釋上於法
平等等諸法故意輪等故何所疑哉鈔意輪等
者緣上標章云於法平等無有疑惑故

疏文中二先別舉身等後類結顯多今初有十三

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷五

三

身前六等事次三等理次一等事理事事無礙後三等因果畧舉十三故結云無量皆言量者是所等之分量皆言等者卽能等之三輪等有二義一等彼事理之量二等彼事理之體所以等者彼諸理事卽我所證能所冥合彼尚卽我等之何難是以聖人空洞無像物無非我會萬物以成已也

鈔是以聖人下三結成玄旨卽肇公涅槃無名論通古中文由前窮源中云非衆生無以御三乘非三乘無以成涅槃然必先有衆生後有涅槃有始必有終而經云涅槃無始無終湛若虛空則涅槃先有非復學而後成也釋曰此文以修得難今涅槃有始終義以涅槃無始終難其修得故爲此通故答云無行名涅槃至人空洞無像而物無非我會萬物以成已者其唯聖人乎何則非理不聖非聖不理理而爲聖者聖不異理也故天帝曰般若當於何求善吉曰般若不可於色中求亦不可離色中求又曰見緣起爲見法見法爲見佛斯則物我不異之效所以至人戢玄機於未兆藏冥運之卽化總六合以鏡心一去來以成體古今通始終同窮本極末莫之與二浩然大均乃曰涅槃釋曰

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

彼雖明涅槃亦以能證所證契合故物我一體今雖約菩提亦取能所一體故得用其文耳。

佛子如所得身言語及心亦復如是得如是等無量無數清淨三輪。

疏後佛子如所得下類結可知。

佛子如來成正覺時於其身中普見一切衆生成正覺乃至普見一切衆生入涅槃。

疏第五佛子如來成正覺下明因果交徹釋上無二同一性故文中三初標次皆同下釋三知一切下結。

疏今初八相之中畧舉其二故云乃至此文正同淨名云若彌勒得菩提者一切衆生皆亦應得一切衆生卽菩提相彌勒示迷此旨但謂理詰之言不知真得菩提實如所詰鈔此文正同下第二會淨名於中有三初正顯同卽菩薩品彌勒爲兜率天子說不退轉地之行淨名難云爲從如生得授記耶云云若以如生得授記者如無有生若以如滅得授記者如無有滅一切衆生皆如也一切法亦如也衆聖賢亦如也至於彌勒亦如也若彌勒得授記者一切衆生亦應授記所以者何夫如

9 10 11 12 13 14 15 16 17 18 19 20 21 22 23

者不二不異。若彌勒得阿耨多羅三藐三菩提者。一切衆生皆亦應得。所以者何。一切衆生卽菩提。相若彌勒得滅度者。一切衆生亦當滅度。所以者何。諸佛知一切衆生畢竟寂滅。卽涅槃相。不復更滅。釋曰。今正釋成正覺義。故但引菩提。若據經文。云乃至入涅槃。則有亦當滅度之義。故今具引耳。彌勒示迷下。第二出彼經意。既爲補處。何理不窮。寄於受屈以悟時聽耳。言但謂理詰之言者。即是迷。相然迷有一意。一約彌勒受難云。一切同如。而我獨得授記。誠乖理也。故云理詰之言。二者彌勒不受難。云理雖一如行滿得記。何得以理而難事耶。故云理詰不知真得者。三正會釋淨名。非曰妄詰。真實菩提。誠乃一得一切得耳。則受難不受難俱迷此理。若顯不迷。應對淨名實如所言。我已見生。得記作佛入涅槃竟。

疏又前章以我等彼故偏同彼量。今明以彼等我。故全現我中。是知一性平等。反覆相成。鈔又前章下。三對前揅異。則前是普偏。此是廣容。言一性平等。反覆相成者。前章明平等。此章明一性。故下釋中。皆同一性。由平等故。唯是一性。由一性故。何

不等耶。故云相成。

疏此中之成爲理爲事。若是事成。何以釋云。同一性。故若是理成。何以此云成正覺耶。入涅槃耶。此是華嚴大節圓宗之義。不對諸宗難以取解。然諸衆生。若於人天位中觀之。具足人法二我。小乘唯是五蘊實法。大乘或說但心所現。或說幻有卽空。人法俱遣。或說唯如來藏具恒沙性德。故衆生卽在體法身。法身衆生義一名異。猶據理說。更有說言。相本自盡。性本自現。不可說言卽佛不卽佛等。若依此宗舊來成竟。亦涅槃竟非約同體。此成卽是彼成。鈔然諸衆生下。二別釋。卽五教意。兼人天爲六。

疏若爾。何以現有衆生非卽佛耶。若就衆生位看者。尚不見唯心卽空。安見圓教中事。如迷東謂西。正執西故。若諸情頓破。則法界圓現。無不已成。猶彼人悟西處全東。若爾。諸佛何以更化衆生。不如是知。所以須化。如是化者。是究竟化。如是化者。無不化時。故下結云。大悲相續。救度衆生。鈔若就衆生下。二解釋。此中意云。以理融通。不可作理事別解。若爾下。三以能難所。佛旣了達。何用化耶。不

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷五十一

三

如是知下。四釋化之由。如是化下。五結成真化。言無不化時。卽常化也。故引相續證成常恒。

疏隨門不同。種種有異。約成佛門。一切成也。鈔

隨門不同下。第三結例卽類結餘門。門雖有多。且畧分四。一約性。卽一真法界。二約相。卽無盡事法。三約性相交徹顯此二門。不卽不離。四以性融相。德用重重。初約性門者。問體是佛不。答是。應成四句。一是佛法性身無所不至。故經云。性空卽是佛故。二非佛。絕能所覺。謂其性平等。一真法界。非佛非衆生故。三亦佛亦非佛。以法性身無自性故。

四雙非。性與無性。雙泯絕故。經云。無中無有。二無二亦復無。三世一切空。是則諸佛見。二就相門。乃有二義。一情。二非情。真心隨緣變能所故。然此二門各分染淨。謂無明熏真如。成染緣起。真如熏無明。成淨緣起。染成萬類。淨至成佛。以修淨緣。斷彼染緣。方得成佛。依此二義。則生佛不同。於淨緣中因果。因有純雜。果有依正。若約純門。隨一菩薩。盡未來際。唯修一行。一一皆然。若約雜門。萬行齊修。盡未來際。若約因門。盡未來際。常是菩薩。若約果門。盡未來際。常是如來。經云。爲衆生故。念念新

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷五十一

新成等正覺。若雙辨二門。盡未來際修因得果。若約雙非。盡未來際。非因非果。便同真性。前之二門。雙具悲智。雙融心境。第三性相交徹門中。曲有四門。一以性隨相。同第二門。二會相歸性。同第一門。三雙存無礙。具上二門。依此則悲智雙運。性相齊驅。寂照雙流。成大自在。四互奪雙亡。則性相俱絕。沒同果海。無成不成。第四以性融相門。相雖萬差。無不卽性。性德包含。全在相中。以性融相。如於性。令上諸門。皆無障礙。因果交徹。純雜相融。事事相參。重重無盡。今就性門四句之內。是卽

佛門。不取餘三。就相門中。約有情門。是淨非染。是果非因。是一分義。非此所用。就交徹門。佛則性相雙融。生則會相歸性。今經正約第四。以性融相。成一切皆成。謂以佛之淨性。融生之染。以佛一性。融生之多。令多染生。隨一真性。皆如於佛。已成佛竟。非唯有情。會萬類相。融爲佛體。無不皆成。故肇公云。會萬物而成已者。其唯聖人乎。又云。故至人空洞無象。物無非我。以佛之性。融於物性。同佛皆成。以物之性。融物之相。故令三業等於萬類。卽今經意。而非餘門。故云隨門不同。今是成佛門也。頃

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 10

教多同約性四門。終教卽同性相交徹。始教有二。幻有卽空。同會相歸性。但唯心現。多同第二。小乘人天皆同相門。由此有云無情成佛。是約性相相融。以情之性。融無情相。以無情相隨性融。同有情之性。故說無情有成佛義。若以無情不成佛義。融情之相。亦得說言諸衆生不成佛也。以成與不成。情與無情。無二性故。法界無限。故佛體普周。故色空無二。故法無定性故。十身圓融故。緣起相由故。生界無盡故。因果周徧故。遠離斷常故。萬法虛融故。故說一成一切成也。非謂無情亦有覺性。同情

成佛。若許成佛。此成則能修因。無情變情。情變無情。便同邪見餘義。具如前後廣說。

疏又此衆生乃是像上之模。令其去模。則自見已。佛亦見他成。如第十段。鈔又此衆生者。四重釋。此是一義。前同佛心。塵中經卷下同。第十普偏諸心。以見自成。卽見他成。同下自心念念常有佛成正覺。

皆同一性。所謂無性。無何等性。所謂無相性。無盡性。無生性。無滅性。無我性。無非我性。無衆生性。無非衆生性。無菩提性。無法界性。無虛空性。亦復無有成正

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 10

覺性。

疏二釋中先總釋同一無性故得現成妄性本虛生元是佛真性叵得非今始成故皆成也。鈔二

釋中者此有三意一云同一無性故得現成者謂

既無二性佛證一性得成佛故生隨一性皆成佛矣。二云妄性本虛生元是佛者生自有妄見生非

佛佛了妄處生何非佛三真性叵得非今始成者若有可得今得成佛證性叵得佛非始成佛非始

成佛本是佛佛之本佛何異生佛是故一成一切皆成亦可說言若一不成一切不成同一性故今

是成佛門故一切皆成佛也

疏次轉徵所無無何等性同菩提性故後釋所無有十二句前四通生及佛次四緣衆生後四唯約佛非獨妄空真有亦非妄有真空以性融相法界圓現故由此無性說成正覺鈔後釋所無下疏文有二先消文言非獨妄空等者揅宗顯別妄空真有法相宗說偏計是空圓成有故涅槃經說生死是空涅槃不空三論中云妄說爲有真諦空故今十二句生即是妄佛即是真真妄俱非不應偏說以性融相者示其正理生佛真妄皆是相異融

同眞界。故說一成一切皆成是以結云。由此無性。
說成正覺。若有取成非真覺。故是故文云。亦復無
有成正覺性。

疏又攝十二總爲六對。

疏又攝十二總爲六對。一能相所相對。謂染相淨相。相待有故。念念之盡緣所盡故。煩惱永盡。本自盡故。鈔又攝十二下二成對也。一能相所相對者。相爲所相。盡卽能相。所相法體。卽是有爲不出染淨。言相待有故者。釋成無義。染待淨有故。無染相淨。待染有故。無淨相。是故經云無相性也。言無盡性者。盡卽能相生滅。染淨全是有爲。然生滅

四相畧有二種。一刹那盡。云念念滅以緣滅故顯無滅性。二期滅。如煩惱性盡以性空門顯無滅義。

疏二。生滅對。約凡則本自不生。卽涅槃相。不復更滅。故約佛菩提。非始生故。何有滅耶。鈔二。生滅對。凡則緣生。故本不生。性淨涅槃。本來寂滅。故不更滅。此對皆淨名意。前約滅惑。此約滅苦。由滅惑苦。則菩提生。故今遣之。言約佛菩提。非始生者。性淨菩提。非始修得。何有滅耶。

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1

撰述

華嚴疏金經卷五十一

可得諸法實相中無我無非我故。鈔三我非我對以緣破我。以我遣非我言我尚不可得。非我何可得。卽不二法門。諸法實相中下。以實相門雙遣上二節中論文前已頗引。

疏四緣非緣對。攬緣生故緣尚不可得故。鈔四緣非緣對。衆生是緣。攬緣無性故無衆生。非衆生爲非緣。緣尚不可得。非緣何可得。卽相待破。

疏五能所證對。能證菩提因所證故。所證法界由智顯故。鈔五能證所證對。並因緣門雙破能所。故上經云知菩提性從緣起入深法界無違逆。

疏六合不合對。虛空非合。因有顯故。所以性無成。覺是合理智契合。卽爲緣起故非有也。鈔六合非合對。虛空無體。不與物合。亦以因緣顯無虛空成正覺者能所契合。亦因緣門釋無正覺故一合相非一合相。

知一切法皆無性故。得一切智大悲相續。救度衆生。疏二結中物物無性故成種智。證斯同體而起大悲。一得永常故云相續。又只由不知無性故教化不絕。鈔物物無性下疏有二意。一由證無性故得成佛無性。卽是大悲之體。故得起悲。又只由下。

二由生不知佛證無性。故化令知。佛子譬如虛空。一切世界。若成若壞。常無增減。何以故。虛空無生故。諸佛菩提亦復如是。若成正覺。不成正覺。亦無增減。何以故。菩提無相。無非相。無一無種種故。

疏第六。佛子譬如虛空下。明體離虧盈。釋上無相。虛空無生故。體無增減。菩提無相。成不寧殊。佛子假使有人能化作恒河沙等心。一心復化作恒河沙等佛。皆無色無形無相。如是盡恒河沙等劫。無有休息佛子。於汝意云何。彼人化心化作如來。凡

有幾何。如來性起妙德菩薩言。如我解於仁所說義。化與不化。等無有別。云何問言。凡有幾何。普賢菩薩言。善哉善哉。佛子。如汝所說。設一切衆生於一念中。悉成正覺。與不成正覺。等無有異。何以故。菩提無相。故若無有相。則無增無減。佛子。菩薩摩訶薩應如是知。成等正覺。同於菩提。一相無相。

疏第七。佛子假使下。明相無增減。釋上無行湛然。不異行。豈能遷。文中三初舉喻問答。以化現無形。喻成不異化多心者。喻修多因。化成多佛。喻證多果。次普賢下讚善以合。三佛子下結此生後。

9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

如來成正覺時。以一相方便入善覺智三昧。入已於一成正覺廣大身。現一切衆生數等身。住於身中。如一成正覺廣大身。一切成正覺廣大身。悉亦如是。佛子。如來有如是等無量成正覺門。是故應知如來所現身無有量。以無量故。說如來身爲無量界。等衆生界。

疏第八。如來成正覺時下。用該動寂。釋上無止。不滯定故。文中四初舉所依三昧。覺不滯寂。故名善覺。覺彼一相故。用爲方便。二入已下。顯一身之用。既以一相爲方便。則物皆一相。故一卽現多。三如

一下。類顯餘身。如來成正覺時。布身雲於法界。一皆是廣大之身。並如一身之現四佛子下。總結多門。謂上來所現一定爲門。餘定亦爾。定門既然。悲智總持等門亦爾。故有無量界矣。是謂高而無上。廣不可極。鈔是謂高而無上者。顯高廣義。此及下大包天地等。皆是肇公涅槃無名論位體中文。彼云。經言菩提之道。不可圖度。高而無上。廣不可極。淵而無下。深不可測。大包天地。細入無間。佛子。菩薩摩訶薩。應知如來身一毛孔中。有一切衆生數等諸佛身。何以故。如來成正覺身。究竟無生滅。

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

故。

疏第九。佛子至應知如來下。明周于法界。釋上無量。無量有一。一廣多無量。一毛舍多。徧法界故。二無分量。皆不生故。文中三。初明一毛舍多。釋以不生故。

疏此與前段分有分異。又此唯現佛。卽同類相望。前通多類。卽異類相入。又前則住體徧應。此則如理而舍。亦如理而徧。鈔此與下後棟異。第八。有二重棟。一約能現前身爲有分。此毛爲無分故。二又此下。約所現棟前通多類者。但言現身。此云現佛故。三又前下。約義相揀。前住體徧應者。卽緣起相由門。由住緣起一佛身體。徧應一切。成多類故。此則如理下。是法性融通門。法性如空。有其一義。一則廣大無所不包。故喻如虛空具含衆象。一則體性周徧。故喻云。譬如虛空徧至一切色。非色處。一毛舍多。卽廣容義徧法界毛。卽普徧義。

如一毛孔徧法界。一切毛孔悉亦如是。當知無有少許處空無佛身。何以故。如來成正覺無處不至故。徵意云。身契無生可許能含法界。虛空無有能契。

疏一如一毛下。類顯多毛。但容毛處。卽是毛孔次。

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1

撰述

華嚴經卷五十一

三

何能亦含釋云無處不至則無非佛身矣。是謂大包天地細入無間。鈔是謂大包下。一毛廣容。即大包天地多身入毛。卽細入無間。

隨其所能。隨其勢力。於道場菩提樹下。師子座上。以種種身成等正覺。

疏二隨其下。釋疑。疑云。若爾。何以要就覺樹。釋云。隨機所能受耳。是知坐菩提樹多身頓成。尚曰隨宜。有頂鹿園。豈爲真極。鈔是知等者。舉況顯勝。有頂卽是權教中說真成之處。鹿園卽是八相化身轉法之處。今於此成。卽周法界。此處轉法輪。卽

於法界無盡處轉。

佛子菩薩摩訶薩。應知自心念念常有佛成正覺。何以故。諸佛如來不離此心成正覺故。如自心。一切衆生心。亦復如是。悉有如來成等正覺。

疏第十。佛子至應知自心下。明普偏諸心。釋前二門。卽分爲二。初正明普偏。釋上無際。念念常成無際。畔故後廣大下。總結雙非。釋上遠離一邊。住於中道。今初亦二。先指一心。後如自心下。例一切心。前中先標次徵後釋。釋云。不離者。有一義。一衆生身心。卽佛所證故。全卽佛菩提性故。此卽他

果在我之因。非約因人自有佛性。此文正辨佛菩提故。鈔此文正辨者。成上非約因人有性。是佛性義。今說佛菩提而言衆生心有之者。卽他果佛。在我因人之內耳。

廣大周徧。無處不有。不離不斷。無有休息。入不思議方便法門。

疏後總結雙非。不離不斷。釋有一意。一不離。結上無處不有。不斷。生下無有休息。一不離者。生佛非異故。不斷者。生佛非一。不同衆生可斷壞故。是名入不思議方便法門。是以不得意者。作衆生恩故。是不可。設作佛恩。是亦不可。卽亦不可。非卽亦不可。當淨智眼。無取諸情。

佛子。菩薩摩訶薩應如是知。如來成正覺。

疏第三總結。卽最後佛子。令依此知。喚前十門。無幽不盡。離此何有真菩提耶。

爾時普賢菩薩摩訶薩。欲重明此義。而說頌言。

疏後偈有六。頌前十門。初二次第頌。初二門。次三如次頌。六七八。後一通頌。四五九十。以同是普現無量義故。其第三門。但顯離言。故畧不頌。正覺了知一切法。無二離二。悉平等。自性清淨。如虛

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷三十一

三

七

七

空我與非我不分別。總明體相。

如海印現衆生身。以此說其爲大海。菩提普印諸心行。是故說名爲正覺。印現萬機

譬如世界有成敗。而於虛空不增減。一切諸佛出世間。菩提一相恒無相。體離虧盈

如人化心化作佛化。與不化性無異。一切衆生成菩提成與不成無增減。相離增減

佛有三昧名善覺。菩提樹下入此定。放衆生等無量光開悟群品如蓮敷。用該動寂

如三世劫刹衆生所有心念及根欲。如是數等身皆

現。是故正覺名無量。六通頌四五九

佛子。菩薩摩訶薩應云何知。如來以心自在力無起。疏第八明出現轉法輪。知一切法恒無起故。以三種轉斷所中三初標徵次釋相後總結。

佛子。菩薩摩訶薩應如是知。如來以心自在力無起。無轉而轉法輪。知一切法離邊見故。離欲際非際而應斷而轉法輪。知一切法離邊見故。離欲際非際而轉法輪。一切法虛空際故。無有言說而轉法輪。知一切法不可說故。究竟寂滅而轉法輪。知一切法涅槃性故。

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷五十一

三

疏就釋相中一二先顯體用後顯所因。今初分三。初法次喻後結勸。今初文有九句減數十也皆先標後釋。前五顯體性寂寥後四辨相用深廣。前中一能轉心。一所轉體。三所得果。四能詮教。五所顯理。鈔今初等者明轉法輪然法輪義廣如別章而今畧以三門分別。一釋名。二出體。三轉相。今初然俱舍論亦名梵輪。如來大梵之所轉故言法輪者。法即軌持輪者如帝王輪從喻得名。畧有四義。一圓滿義。具轂輻輶軸等體用周備故。二摧壞義。摧壞煩惱如摧未伏等。三鎮遏義。已伏煩惱令勢轉遠故。如鎮已伏四不定義從見至修修至無學從自至他。他信至解解至行果等轉者說也。故總釋云流演通圓名之爲轉。自我之彼故名爲轉。若別說者畧有四義轉謂動也。顯也。運也。起也。動宣言教顯揚妙理運聖道於聲前起真智於言後圓摧障惱名轉法輪。釋曰此四約教理行果如其次第。下出轉體不出四故出體轉相在文具之。

疏夫轉法輪不過此五。今皆卽事契真。一能轉心者由知法無起故正轉法時不起心念言我轉授前人名心自在如是方爲真能轉也。鈔夫轉

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

法輪者。此五卽是出體。亦是轉相。且第二出體者。大小諸教。有多差別。今以大乘貫通諸說。體總有五。一輪自性。謂擇法覺支。正見正智等。通見修無學。或取八聖道具。輪輻轂。謂能生後聖道。諸教聞思修等。諸經論中。多說佛教爲法輪故。三法輪眷屬。聖道助伴。五蘊諸法。四法輪境。聖道所緣。四諦因緣。三性等理。五法輪果。謂因道所證。菩提涅槃。無爲等果。大乘法師收取五體。不出教理。

行果意明。二卽是教。四卽是理。一三皆行。五卽是果。今經五句。卽攝此五。一能轉心。卽是眷屬。二卽是性。三卽第五。四卽第二。五卽第四。若以教理行果攝今五者。後三可知。初一是行。二所詮理。亦是行攝。三轉約於見修等故。又此五句。卽是轉相。第三轉相者。瑜伽九十五說。由五種相轉法輪者。當知名爲善轉法輪。一者世尊爲菩薩時。爲得所得所緣境界。二者爲得所得方便。三者證得所應得識。四者得已以他相續。令於自證深生信解。五者令他於他所證深生信解。今經五句。卽攝彼五一。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

卽第四。令他信解。二卽第二。三卽第三。四卽第五。五卽第一。會釋可知。但言所得方便者。卽以三周正轉見修無學。隨其次第。知見現觀。名得方便。瑜伽又說三周行相。名得所得之方便也。然上出體與其轉相。皆大乘意。細尋二門。多有相似。或應爲一。彼是法相之所宗師。且順於彼。以今一五攝。彼二五。今皆卽事者。揀實異權。名數則同意。旨懸隔。疏二所轉體者。卽示勸證。名爲三轉。此三名輪者。摧障惱故。言離邊者。若有惑可摧。未離於常。無惑可摧。寧免於斷。今永離斷常等邊。方爲真能斷所。

應斷知與證修亦然。鈔二所轉者。一示相轉。二勸修轉。三作證轉。第一示相轉者。諸佛世尊。正證諸法。隨何等器。而指示之。如轉四諦言。此身是苦。業惑爲集。此滅爲滅。能滅爲道。示因緣等。真理妙智。例皆同此。當爾之時。生聖慧眼。由是依去來。今世有差別故。如其次第。得眼智明覺。此之一智。總名爲眼。有三行相。名智明覺。非於四諦別起四智。由真見道。唯一剎那。不同小乘上下別觀。依詮證滅。說通三世。非是滅諦。通三世有。第二勸修轉者。如說四諦云。此是苦汝當知。此是集汝當斷。此是

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

滅汝當證。此是道汝當修。亦生眼智明覺。若轉因緣。真實法等。例此可知。第三作證轉者。如轉四諦云。此是苦我已知。此是集我已斷。此是滅我已證。此是道我已修。亦生眼智明覺。四行轉餘例此。然其三轉尊者。妙音入正爲轉。唯是見道以橋陳那見道生時。說名已轉。若通相說。諸有聖道皆有名法輪。顯宗論說。三轉即是三道。謂初是見道。二是修道。三是無學道。如橋陳那名已轉者。已初轉故。大乘法師意取彼義。若成實師。初轉生聞慧。次生思慧。後生修慧。無十二行。唯作一期行相。此言却通。

以說陳如卽得初果。未經修道。何有初果。第十六智是修道故。又初雖示是苦集等。未勸知斷。何因成果。若是勸轉。已得果竟。何用引已而爲證耶。是以見道通於三轉。義却長也。況通諸法。皆有示勸及與證耶。故今經中。始成正覺。演大華嚴。轉一乘輪。亦具三矣。大乘見道。唯在初地。則彼地前。應非如來轉法輪矣。若別配二道者。第二轉者。謂是有學。以其妙慧如實通達。我當於後猶有所作。應當偏知苦諦。當應永斷集諦。應當作證滅諦。應當修習未修道諦。如是有四種行相。如前應知。第三轉

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

者謂是無學以得盡智無生智故言所應作。我皆已作謂我以徧知未知苦諦乃至廣說我已修習未修道諦亦有四行例皆可知釋曰此卽大乘諸師別配三轉屬於三道而言證者是彼自證非佛證也然今經文卽是三轉中道法輪永離邊見亦具說於知斷證修卽是大乘無作四諦已申轉體○疏三所得果者由斷惑故得離欲際由證性空本無可離斯際亦遣鈔得果等四皆有虛求

疏四能詮教者理假言詮今了本寂滅不可說故則終日言而未曾嘗言也

疏五所顯理謂卽寂滅今了性淨涅槃法本不然今則無滅方爲究竟之滅是知其輪本來常清淨也鈔是知其輪者卽暗引淨名寶積云三轉法輪於大千其輪本來常清淨古來多釋今取卽事之真性淨之理爲法輪體也

以一切文字一切言語而轉法輪如來音聲無處不至故知聲如響而轉法輪了於諸法真實性故於一音中出一切音而轉法輪畢竟無主故無遺無盡而轉法輪內外無著故

疏後四相用深廣中一觸言皆輪廣也二卽用而

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1

寂深也。下二亦深亦廣。三一卽多而無主。四卽橫
暨而恒虛。謂橫則無遺。無所不轉。故暨則無盡。窮
未來故而不著内外。則深廣無涯矣。鈔故後四
段明相用。深廣則迥異。餘宗爲不壞相。畧引餘釋
耳。

佛子。譬如一切文字語言。盡未來劫。說不可盡。佛轉
法輪。亦復如是一切文字。安立顯示。無有休息。無有
窮盡。佛子。如來法輪。悉入一切語言文字。而無所住。
譬如書字。普入一切事。一切語。一切美數。一切世間
出世間處。而無所住。如來音聲。亦復如是。普入一切
處。一切衆生。一切法。一切業。一切報中。而無所住。一
切衆生種種語言。皆悉不離如來法輪。何以故。言音
實相即法輪故。

疏第二。佛子。譬如下喻中文。有二喻。一文字無盡
喻。喻第九無盡二偏入無住喻。喻六七八用而常
寂。故於中有法喻合。合中二先合普入一切以上
法中。但云入一切言故。今明入餘法。則觸類皆法
輪。豈同三乘。但用佛聲爲輪等耶。一切衆生種種
下。正合前文入一切語前五易故。畧不喻之。鈔
豈同三乘者。揀實異權而言等者。就佛聲中揀尋

常言。如問晴雨安慰弟子等。亦非法輪。唯取轉法。
又要令他斷惑見理方名法輪。今此乃至數重深
玄。一則不論斷不斷等說。卽名輪。故經云。如來所
轉妙法輪。一切皆是菩提分。若能聞已悟法性。如
是之人常見佛。二者尋常之言。亦是法輪。如來無
有散亂聲故。言不虛發。如涅槃說。如來一切語言。
皆名轉法輪故。三者能令三界所有聲聞者皆是
如來音故。四者不揀聲與非聲。徧於法界皆法輪
體。況復一多交徹相映融卽。豈同三乘之法輪哉。
佛子。菩薩摩訶薩於如來轉法輪。應如是知。

疏第三佛子下結勸可知。

復次佛子。菩薩摩訶薩欲知如來所轉法輪。應知如
來法輪所出生處。何等爲如來法輪所出生處。佛子。
如來隨一切衆生心行欲樂無量差別。出若干音聲
而轉法輪。佛子。如來應正等覺。有三昧名究竟無礙
無畏。入此三昧已於成正覺。一一身。一一口。各出一
切衆生數等言音。一一音中衆音具足。各各差別而
轉法輪。令一切衆生皆生歡喜。能如是知轉法輪者。
當知此人則爲隨順一切佛法。不如是知。則非隨順。
佛子。諸菩薩摩訶薩應如是知。佛轉法輪。普入無量

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

撰述

華嚴疏錄卷五十一

望

酒

衆生界故。

疏第二復次下顯法輪所起因。於中三先辨論所起因。因機差故。若離物機。佛無說故。次佛子如來下。明因所起輪。物既爲力不同。教須適宜。差別於中說法所依之定名者。無礙辨才。無所怯畏。得究竟者。唯佛有故。後能如是知下。結其得失。及第三總結文並可知。

爾時普賢菩薩摩訶薩欲重明此義。而說頌言。

如來法輪無所轉。三世無起亦無得。譬如文字無盡時。十力法輪亦如是。

如字普入而無至。正覺法輪亦復然入諸言音無所入。能令衆生悉歡喜。

佛有三昧名究竟入。此定已乃說法。一切衆生無有邊。普出其音令悟解。

一一音中復更演無量言音各差別。於世自在無分別。隨其欲樂普使聞。文字不從內外出。亦不失壞無積聚。而爲衆生轉法輪。如是自在甚奇特。

法輪所因。疏偈有五頌分二。初二偈頌法輪體用。後三偈頌

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 10

撰述

圭臘疏錄卷五十一

信士屠曰俞領募銀七兩五錢二分刻此一卷
信官陶鎔二兩 信士王以繩一兩

孫耀祖五錢

馬玄錫五錢

沈世泊同母岳氏五錢

張泮五錢

屠鯉同室李氏五錢

俞應信同室錢氏五錢

仲洪五錢

沈佺三錢

王以續五錢

任安二錢

大方廣佛華嚴經疏鈔卷第五十二之一

終

大方廣佛華嚴經疏鈔卷第五十二之一

于闐國三藏沙門實叉難陀譯

清涼山大華嚴寺沙門澄觀撰述

○疏第九出現涅槃轉化既周安住祕藏爲物示滅故次明之然大涅槃蓋衆聖歸宗冥會之所寂寥無爲而廣大悉備形名絕朕識智難思鈔轉化既周躡前起後安住祕藏顯真涅槃爲物示滅顯應涅槃文具二故然大涅槃下二總明大旨以顯深玄多用肇公涅槃無名論有十演九折十演者一開宗一立體二超境四妙存五辯差六會異七

9 10 11 12 13 14 15 16 17 18 19 20

撰述

華嚴疏錄卷之二

明漸八動寂。九通古。十玄得。九折者。一覈體。二徵出。三搜玄。四難差。五責異。六詰漸。七譏動。八窮源。九考得。開宗爲初次。一折一演。折爲有名之難。演卽無名之答。共相研覈。顯無名旨。今多用者。亦顯肇公憑此經故。今初大旨。多用開宗言。衆聖歸宗冥會之所者。總顯深廣。包含無外。故論云。九流於是乎交歸。衆聖於是乎冥會。謂三乘賢聖必會其中。猶於百川朝宗於海。寂寥無爲者。顯深也。而廣大悉備者。顯廣也。形名已下。復拂深廣之迹。朕可迹也。光也。論云。夫涅槃之爲道也。寂寥虛曠。不可以形名得。微妙無相。不可以有心知。故淨名云。不可以智知。不可以識識。

疏今以無名强名。亦爲五別。鈔今以無名下。第三開章別釋。此句總明開意。涅槃二十一云。瓶羅波夷。名爲食油蟲。無有名字。強立名字。善男子。是大涅槃亦復如是。無有名字。強立名字。位體云。有餘無餘者。蓋是涅槃之外稱。應物之假名耳。而存稱謂者。封名志器像者。耽形名也。極於題目。形也盡於方圓。方圓有所不寫。題目有所不傳焉。可以名於無名。而形於無形者哉。則無名亦假。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 10

疏一釋名涅槃正名爲滅。取其義類。乃有多方。總以義翻稱爲圓寂。以義充法界德。倘塵沙曰圓體。窮真性妙。絕相累爲寂。而言大者。橫無不包。豎無無初際。此約三德涅槃。若約義開。畧明三義。一者體大。自性清淨故。二者相大。方便修淨。累亡德。倘故三者用大化用無盡故。般者入義性入真入示現入故。若圓融無礙。卽大涅槃。鈔一釋名者。若具梵云摩訶般涅槃那。具翻爲大圓寂入。謂那卽入義應迴在上。言正名爲滅者。取其義類。乃有多方者。卽生公釋。遠公同此。言多方者。或云不生或

云無作。或云無起。亦云無爲。亦云無相。或云不滅。或云寂靜。或曰安隱。或名解脫。皆是義翻法華序品長行之中。便於中夜入無餘涅槃。次卽云佛滅度後。偈中又云。佛此夜滅度。明知古德正翻爲滅。亦云滅度。超度四流故。總以義翻者。卽唐三藏等在義周圓而言。天下先總後別。總以橫豎釋如題中。涅槃二十一云。譬如虛空。不因小空。名爲大空。涅槃亦爾。不因小相。名大涅槃。釋曰。此卽絕待。當體受名。若約義開下別釋。曰三大釋。三大雖通本有修成。欲分三異。性淨約體。圓淨約相。用修成兼

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40

舍三身。下對三天亦有三入。若有那字。般字沒在圓寂之中。今無那字。以般釋入。梵語出息名爲安那。梵語入息名爲般那。那是息義。欲明此章具足真應三四涅槃故。對三大別釋三入。性入卽性淨涅槃。真入卽是圓淨。示入卽方便淨。遠公約已證說。一就實論入。息妄歸真。從因趣果。二真應相對辨入。息化歸真名入。三唯就應現捨有爲道趣入無爲。故名爲入。若約圓融者。若不圓融。三入各別法相宗故。

疏二出體性。涅槃旣妙絕常數。恬怡希夷。雖迥出

百非。而靡所不在。今以義求。不出三法。卽摩訶般若。解脫法身。以爲其體。所以三者翻三雜染故。成智恩斷故。成法門法性。應化身故。能證大智冥。所能證理。累永寂故。然此三種不離一如。德用分異。卽寂之照爲般若。卽照之寂爲解脫。寂照之體爲法身。如一明淨圓珠。明卽般若。淨卽解脫。圓體法身。約用不同。體不相離。故此三法不縱不橫。不並不別。如天之目。如世之伊。名祕密藏。爲大涅槃。鈔二出體性者。疏文分二。一總顯深玄。先顯體深。後體用無礙。初中妙絕常數者。卽第十九演玄得中。

文
10
1
2
3
4
5
6
7
8
9
20
1
2
3
4
5
6
7
8
9
30
1
2
3
4
5
6
7
8
9

文彼云何者夫涅槃之道妙盡常數融冶二儀滌蕩萬有均天人一同異內視不已見返聽不我聞未嘗有得未嘗無得今取此言總歎深旨恬怡希夷者恬和也怕靜也夷平也亦開宗中言彼云然則有無絕於內稱謂淪於外視聽之所不暨四空之所昞昧恬焉而夷怕焉而泰九流於是乎交歸衆聖於是乎冥會斯乃希夷之境太玄之鄉而欲以有無題榜標其方域而語其神道不亦邈哉雖迴出下明體用無礙亦開草中文文云冥冥宵宵誰見誰曉彌縫靡所不在而獨曳於有無之表今

反用之今以義求下初正出體性然遠公亦以三法爲體與此小別一色一心三非色非心滅無常色獲得常色等故擇滅無爲廣如前說亦非全要不欲繁敘言今以義求者取其深義三德爲體則身皆常住無不包含故所以三者下出三所以於中有二一翻對說三二當體辨三今初釋三迴向具對十義今畧有三翻三雜染者煩惱爲般若煩惱卽菩提菩提卽是涅槃之中般若德也翻於結業以爲解脫翻苦依身卽是法身心體離念本法身故故三雜染卽性淨三德二成三德者般若是

9 10 11 12 13 14 15 16 17 18 19 20 21 22 23

智解脫是斷法身是恩法身兼應應物恩德三成三身般若法門身法身是法性身解脫爲應化身作用解脫亦解脫故若真應對辨則有真實三德應化三德應化三德一一別從真三德起今從通義應身但解脫德攝能證大智下二當體明三然薦福法師總有四釋先總釋云身是能證身般若是智慧火解脫卽煩惱等滅此三法合名證涅槃言四義者一云身是自受用身餘二則是金剛心後智斷二德二云身卽法身法身卽如如摩訶般若卽如如智解脫卽是一切餘究竟盡故法身爲

所證般若爲能證解脫爲離障三云佛身者卽法性有佛身義作二所依故有智慧義徧照法界光明故有解脫義性離一切障故此二亦不相離彼自結云此三釋中初順經意欲明報身是常涅槃不滅身故四云身者色身四智爲般若解脫準前釋曰上之四解初約報身二約法身此二約真四通真應三卽約理爲性淨三德今疏舉第二義者欲顯圓具通因通果通真通應應卽常身卽法身故應卽是法況自受用自受用體亦全法性法身但約在纏出纏異故能證所證及與離障十地分

得故得通因。故舉一義理無不收。然此三種下。三融通無礙。有法喻結。法中通因通果。理具此三。卽性淨三德能如是知。卽名字三德。依此修觀。卽觀行三德初住分證。如來究竟直就出纏法身。卽具三故成不別義。故此三法下。結成涅槃。涅槃第二云。我今當令一切衆生。及以我弟子四部之衆。悉皆安住祕密藏中。我亦復當安住是中。入於涅槃。何等名爲祕密之藏。猶如伊字三點。若並則不成伊縱。亦不成如摩醯首羅面上三目。乃得成伊三點。若別亦不得成。我亦如是。解脫之法。亦非涅槃。如來之身。亦非涅槃。摩訶般若。亦非涅槃。三法各異。亦非涅槃。我今安住如是三法。爲衆生故。名入涅槃。薦福釋云。若將喻類法。喻文不足以法云解脫之法。亦非涅槃等。喻中應云。唯一一點不成伊也。以解脫等三。有一一不成故。夫證涅槃。須有能證身。須有智慧火。煩惱等滅。此三法合名。證涅槃。若唯身亦非涅槃。唯般若亦非涅槃。唯解脫亦非涅槃。此三各別。未有斷證。亦非涅槃。喻別亦不成。若智者意。四義各殊。東西曰橫。南北曰縱。縱卽豎也。謂若法身本有次修般若。後得解脫。則是縱義。

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1

以經生越世彌亘淨穢故如縱三點橫者三法異體同時如三列火並乃合爲一體別乃各居一處卽但用一法今摩訶般若亦非涅槃等是合縱並暨明此三曰縱舉一攝二曰並故云般若非者般若中已攝一故三德若異亦非涅槃卽雙合橫別一一異體卽合於別異體同時卽合於橫故上云三點若別不得成伊已合橫別也亦可橫卽是並對縱爲橫對別爲並故經但有三句於義成四而總釋云今三俱不思議焉可縱俱不思議焉可橫俱不思議焉可並俱不思議焉可別意云卽一

而三卽三而一非三非一雙照三一焉可作一三等思若作體一用別而明尚未免於並別也然有云伊字如品字有云如倒書品字後義爲正由此見異古德解義取捨不同或一德在上一德在下或謂二德在上一德在下並不得意西方伊字二點在上天目之喻不可二目在一目上如來恐人誤作此解故以天目轉喻伊字則不得定一二上下但取不可縱橫及並別耳若定說言一上二上非唯義理不得圓妙致令二喻自互相違謂梵字樣者此西方伊字三目之一當於眉間此其

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之二

狀也。諸公何惑言祕密者以深妙故遠公釋云。昔隱不說故名祕密。權教所覆故復名藏。故下文云十一部中所不說者名之爲藏。又於其中包含諸德亦名爲藏。薦福釋云皆非一乘境界故名祕密。二賢皆是對昔顯密今明深妙當體祕密。

疏三顯種類雖理無不統義類塵沙今自陋之寬畧分一兩或唯說一卽大涅槃或說有一百有二門一餘無餘二性淨方便淨三真與應或分爲三此有二種一約三乘二卽自性真應或分爲四一自性清淨涅槃二有餘依三無餘依四無住處有

餘無餘義通大小今唯說大於三種內不明一乘餘皆具論融而無礙爲大涅槃如文具之非獨應減。鈔今自狹下三明種類餘無餘者釋有多義依小乘中自有二義一有宗云涅槃體一約時不同得二名字言體一者於此宗中煩惱業思以道力故應起不起擇滅無爲是涅槃體此體是一約對身智得二名字身智未盡說前涅槃以爲有餘身智盡竟向前涅槃轉名無餘非身智滅卽名涅槃以此身智起已謝滅是無常故若斷因故令後不起是非擇滅故非涅槃二依成實涅槃體二生

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40

處因盡。名一涅槃。生死果盡。名二涅槃。由有宗中。
 要道親斷方稱擇滅。身口二業及生死果非道親
 斷。故不取之。成實由斷煩惱餘不起故。見修斷故。
 亦得擇滅。故名涅槃。然望大乘。皆有名有餘。有餘變
 易故。若依大乘遠公自有四別。一云一死因盡。名
 曰有餘。二死果盡。名曰無餘。三云分段因果盡。名
 曰有餘。變易生死盡。名曰無餘。三云分段因果。及
 變易因盡。名曰有餘。變易果滅。名曰無餘。四云唯
 就變易因果爲二。分段因果屬小乘故。若依金光
 約三身說。三身品云。善男子。依此二身。一切諸
 明。

佛說有餘涅槃。依法身者。說無餘涅槃。何以故。一
 切餘究竟盡故。依此三身。一切諸佛說無住涅槃。
 何以故。爲一身故。不住涅槃。離於法身無有別佛。
 何故不住涅槃。一身假名不實。念念滅。不住故。數
 數出現。以不定故。法身不爾。是故二身。不住涅槃。
 法身者。不二故。不住生死。依三身故。說不住涅槃。
 準上經文。法身卽是自受用身。常在密嚴佛土。一
 切餘盡者。是煩惱正習。分段變易皆盡。肇公生名
 有餘。減名無餘。亦卽此意。下疏用之。若依唯識云。
 一有餘依涅槃。謂卽真如出煩惱障。雖有微苦所

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷之二

依未滅而障永寂故名涅槃。無餘依涅槃謂卽真如出生死苦煩惱既盡餘依亦滅衆苦永寂故名涅槃。釋曰此通大小而說真如爲體卽異小乘論下料揀云如何善逝有有餘依。問也雖無實依而現似有或苦依盡說無餘依非苦依在說有餘依是故世尊可言具四釋曰此答有一前明示有同於一乘後明以無漏蘊爲有餘依故云非苦依在一性淨者亦名一德亦名一寂亦名同相不同相並如初地示說分齊中辨性本淨故從因方便之所顯故作用善巧故亦是體用餘如別章一卽

自性者上明真應自性合其二佛約淨今開自性通於染淨或分爲四卽唯識論論云一本來自性清淨涅槃謂一切法相真如理雖有客染而本性淨具無數量微妙功德無生無滅湛若虛空一切有情平等共有與一切法不文不異離一切相一切分別尋思路絕名言道斷唯真聖者自內所證其性本寂故名涅槃二有餘依三無餘依具如上說四無住處涅槃謂卽真如出所知障大悲般若常所輔翼由斯不生死涅槃利樂有情窮未來際用而常寂故名涅槃一切有情皆有初一二乘

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40

撰述

華嚴疏金卷之二

無學容有前三。唯我世尊可言具四。下疏結文用此四也有餘無餘。下三通相料揀。非獨應滅揀於異釋。

疏四彰業用。囊括終古。導達羣方。靡不度生。靡不成就。故涅槃云。能建大事。則出現法門。皆斯用也。然諸門廣義。備於別章。畧在文具。鈔四彰業用。初正明。亦卽無名論第十玄得中言也。彼云。故能囊括終古。導達羣方。亭毒蒼生。疎而不漏。汪哉洋洋無涯靡。不成就靡不度生。然則三乘之路開真哉。何莫由之哉。故梵志曰。吾聞佛道。厥義弘深。汪洋無涯靡。不成就靡不度生。然則三乘之路開真哉。

僞之途辨。聖賢之道存。無名之致顯矣。釋曰。彼後結歎無名。今畧不舉。二故涅槃下引證前疏已引三則出現下。結成深廣。今以出現爲總門。則涅槃當其一德。若涅槃爲門。出現九門。皆涅槃出矣。四然諸門下。指廣在餘已攝諸妙。故云畧在文具。佛子菩薩摩訶薩應云。何知如來應正等覺般涅槃。

疏第五釋文中二先徵起後正顯。

佛子菩薩摩訶薩欲知如來大涅槃者。當須了知根本自性。

疏正顯中十一體性真常。二德用圓備。三出沒常。

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40

撰述

華嚴疏金卷之二

三

湛四虧盈不遷五示滅妙存六隨緣起盡七存亡互現八大用無涯九體離二邊十結歸無住然斯十段隨義雖殊皆含體用互相交徹顯大涅槃。今初分三初舉法勸知二如真如下指理同事三何以下釋顯同相今初根本自性者卽下所列真如等十爲真應涅槃之根本故體卽自性清淨涅槃以出二礙名方便淨爲真涅槃大悲應物亦自此流故名爲本以是本故但了真如卽了涅槃。鈔今初根本者此二行疏已具上列一二三四諸涅槃矣思之可見。

如真如涅槃如來涅槃亦如是。如實際涅槃如來涅槃亦如是。如法界涅槃如來涅槃亦如是。如虛空涅槃如來涅槃亦如是。如法性涅槃如來涅槃亦如是。如離欲際涅槃如來涅槃亦如是。如無相際涅槃如來涅槃亦如是。如我性際涅槃如來涅槃亦如是。如一切法性際涅槃如來涅槃亦如是。如真如際涅槃如來涅槃亦如是。

疏一指理同事中皆云如者如卽同義能同涅槃通真及應所同如等卽自性涅槃故上句皆有涅槃之稱。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

卷之二

疏真應無本。應非不生。何出現之爲妙。故以本該未以體顯用。今皆圓寂爲大涅槃。鈔真應無本下。總顯文意。先反顯真應涅槃若無自性涅槃爲本。皆非不生。而真涅槃由性淨顯。共許不生。而應涅槃皆謂生滅。故今特說應無性淨。安得不生。後故以本下順顯。以性淨本。該真應未真。皇性淨。亦稱未故。真與性淨。一俱爲體。該應化用。皆爲無在三德涅槃。

疏所以列十名者。欲明究竟妙道。窮理盡性。無不同。故德無盡故。十名已如前釋。於中後二加際言。

者窮真於無真爲真如際等故。鈔所以下釋十所由。究竟妙道者。卽無名論難差中文。文云有名曰。涅槃旣絕圖度之域。則超六境之外。不出不在。而玄道獨存。斯則窮理盡性。究竟之道。妙一無差。今取意引。

何以故。涅槃無生無出故。若法無生無出。則無有滅。疏三釋顯同相者。向言亦如是者。云何如耶。故云如真如等。不生滅故。何以不生。以但了因所顯。非生因所生故。旣無有生。亦非出障。始旣無生。則永常不滅。是知玄道存於妙悟。妙悟在於卽真。卽真

則生滅齊觀。齊觀則彼此莫一所以真如與我同根法性與我一體真既不滅應滅寧真。是知涅槃名滅者乃在於無滅者矣。鈔是知玄道下二結成正義。言妙悟者卽能契由能契卽真方得成此所契卽真卽是性淨卽妄卽真生無生矣。豈非齊觀齊觀一味能所兩冥故全真性以爲我體真既湛然故知雙林應滅非滅以常住故言無滅者本寂滅故然此亦卽妙存中文上意業中用其一半彼已具引今側用兩句謂云天地與我同根萬物與我一體今順經文真如等爲涅槃本。

佛子如來不爲菩薩說諸如來究竟涅槃亦不爲彼示現其事。

疏第二佛子如來不爲下明德用圓備者如來之身色相圓備常現大機前故文中先標舉後徵釋標中約人顯實云不爲菩薩明說永滅是爲二乘迹盡雙樹並爲凡小據此亦名揀異灰斷。

何以故爲欲令見一切如來常住其前於一念中見過去未來一切諸佛色相圓滿皆如現在亦不起二不二相。

疏後徵釋中文有二重初釋之中自有一義。一

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

今稱實見受用身。卽同法身常住其前。涅槃云。涅槃不空者。謂有善色常樂我淨故。因滅無常。獲此常故。鈔涅槃不空者。遠公引此證色爲體。今亦一義。

疏二於一念下。令見三際應用。亦卽是常。故云。皆如現在。涅槃云。吾今此身。卽是常身法身。下開栴檀座佛塔。見三世佛。無涅槃者。楞伽亦云。無有佛涅槃。無有涅槃佛。亦不起二不二。想者遠離覺所。覺故。謂旣知幽靈不竭。妙色湛然。三際大均。何生滅之動靜。故不起二也。亦不取此一常。故無不二也。

鈔栴檀座塔。前皆已引。妙色湛然者。六卷泥洹經。純陀歎佛云。妙色湛然。常安隱。不爲時節劫數遷。大聖曠劫行慈悲。獲得金剛不壞體。餘可知。何以故。菩薩摩訶薩。永離一切諸想着故。

疏下重微釋。微意云。菩薩何以能不起想。釋云。菩薩由了法空。本無想着故。旣無心於動靜。終不謂佛常與非常。

佛子。諸佛如來。爲令衆生生欣樂故。出現於世。欲令衆生生戀慕故。示現涅槃。而實如來無有出世。亦無涅槃。何以故。如來常住清淨法界。隨衆生心。示現涅槃。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

繁。

疏第三佛子諸佛如來下出沒常湛謂涅槃無爲而無所不爲無不爲故能建大事不礙出沒以無爲故住淨法界體常湛然不礙出沒故顯迹爲生卽是有餘息迹爲滅卽是無餘故餘無餘乃應物之假號耳體性常湛故存不爲有亡不爲無是知寂然不動未嘗無爲應迹無方未嘗有爲豈可隨於見聞以滯殊應之迹鈔第三等者經文有二先明出沒之迹後而實如來下明常湛之本疏分五段解釋如文是知寂然下四結成相融上句體

不礙用下句用不礙體豈可隨於下五結殫感情然此五段多用無名第二位體論云其爲稱也因應而作顯迹爲生息迹爲滅生名有餘滅名無餘然則有無之稱本於無名無名之道于何不名是以至人居方而方止圓而圓在天而天在人而人原夫能天能人者豈天人所能哉果以非天非人故能天能人耳其爲治也應而不爲因而不施因而不施故施莫之廣應而不爲故爲莫之大爲莫之大乃返乎小成施莫之廣乃歸乎無名又下云意謂至人寂怕無兆隱顯同源存不爲有亡不爲

9 10 1 2 3

4 5 6 7 8 9 20 1 2 3 4 5 6 7 8 9 30 1

2 3 4 5 6 7 8 9 30 1 2 3 4 5 6 7 8 9 30 1

無何則。佛言。五戶無生不生。雖生不生。無形不形。雖形不形。以知存不爲有。經云。菩薩入無盡三昧。盡見過去滅度諸佛。又云。入於涅槃而不般涅槃。以知亡不爲無。亡不爲無故。雖無而有。存不爲有。雖有而無。雖有而無故。所謂非有。雖無而有故。所謂非無。然則涅槃之道。果出有無之域。絕言象之逕斷矣。子乃云。聖人患於有身。故滅身以歸無。勞勤莫先於有智。故絕智以淪虛無。乃乖於神極。傷乎玄旨者哉。上一段論文義理連環。但觀所引。自見疏意。其結彈文亦彼章末云。惑者居見聞之城。尋

殊應之迹。秉執規矩。以擬大方。欲以智勞至人形。患大聖謂捨有入無。因以名之。豈謂採微言於聽表。拔玄根於虛壤者哉。

佛子。譬如日出。普照世間。於一切淨水器中。影無不現。普徧衆處。而無來往。或一器破。便不現影。佛子。於汝意云何。彼影不現。爲日咎不。答言不也。但由器壞。非日有咎。佛子。如來智日亦復如是。普現法界。無前無後。一切衆生。淨心器中。佛無不現。心器常淨。常見佛身。若心濁器破。則不得見。

疏四。佛子。譬如日出下。虧盈不遷。先喻後合。然法

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

身無像。故無器而不形。聖智無心。故無感而不應。
像非我有。自彼器之虧盈。心非我生。豈普現之前。
後。鈔後合然法身者。疏文有三。初正釋。亦前章
後意次。彼論云。經云法身無像。應物以形。般若無
知。對緣而照。萬機頓赴。而不撓其神。千難殊對。而
不干其慮。動若行雲。止猶谷神。豈有心於彼此。情
係于動靜者乎。旣無心於動靜。亦無像於去來。去
來不以像。故無器而不形。動靜不以心。故無感而
不應。然則心生於有心。像出於有像。像非我生。故
金石流而不燁。心非我生。故日用而不勤。紛紜自

彼。於我何爲。所以智周萬物。而弗勞形。充八極而
無患益。不可盈損。不可虧寧。復痼癆中。達壽極。雙
樹靈竭。天棺體盡。焚燎者哉。

疏故攝論第十頌云。衆生罪不見。如月於破器。徧
滿諸世間。由法光如日。是以經言非目咎也。持戒
器破。定水無依。菩提器破。智水寧止。無信清珠。故
心水渾濁。何由見佛耶。鈔故攝論下引證釋。先
舉論。後是以下。會釋經文。論云此頌顯示顯現甚
深在喻可知。合者釋論云。衆生心中無奢摩他。清
淵定水。佛影不現。非如來答。如說如來是真妙道。

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40

撰述

卷之二

五

三

卽無漏影。有感斯現。生育不覩。釋下云。諸佛法日放契經等光徧照。有情世間有緣。教光斯現。如日流光。盲者不覩。

疏然此中雖明現身。卽是三德涅槃所流大用。亦涅槃攝若爾。寧殊出現之身。出現身以法身爲門。而論真應非無般若。解脫一德。智慧日身。無不照故。永離戲論。卽解脫故。醫王之喻。卽示滅故。鈔然此文下。第三揀定。亦展轉通妨於中有三。初正揀定。恐有問。今說法身何名涅槃。故此釋云。大般涅槃。必具三德。此卽法身。餘之二德。從法身流。

疏此有般若。寧異菩提。若分相說。菩提爲能證智。唯是修生涅槃是所證理。唯約修顯。故涅槃中說菩提必從生因所生。涅槃必從了因所顯。鈔此有般若下。三對菩提揀解脫無濫。故不揀之。若分相下。釋於中有一。先明分相。卽唯識等意。唯識第十。釋轉依果云。四所轉得。此復有一。一所顯得。謂大涅槃。此雖本來自性清靜。而由客障覆。今不顯真聖道生。斷彼障故。令其相顯。名得涅槃。此依真如離障施設。故體卽是清淨法界。一所生得。謂大菩提。此雖本來有能生種。而所知障礙故。不生。由

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

聖道力斷彼障故令從種起。名得菩提。起以相續窮未來際。此卽四智相應心品。故大乘法師云。理凝本有。出纏而號涅槃。智照新生。果圓而稱正覺。乃四德之鴻源。三明之妙本矣。

疏若攝相說。菩提是卽理之智。涅槃是卽智之理。卽智之理。不礙摩訶般若。卽理之智。不礙寂滅菩提。智性本有。亦是性淨涅槃。修顯亦方便淨。隨一爲門。則皆收盡。卽大涅槃真菩提也。今以涅槃收之。非唯菩提及身。前後諸用。皆從三德所流。能建大事。鈔若攝下。後明攝相文有四別。一約理智。

相攝以離理無智。離智無理。如珠之明。如明之珠。故般若云。覺法自性。離諸分別。爲菩提故。則有理矣。涅槃中有般若德故。智性本有下。二約本有修生相攝。則性淨但名涅槃。方便淨者方名菩提。今明二淨俱通上二。今疏但顯別說所無。故於菩提說性淨等。上說菩提如虛空故。世界成壞無增減故。涅槃經說。修習常住二字爲滅相者。我於其人爲般涅槃。彼中宣說本隱。今顯法常名常。方便修生報常名住修。此二字爲大涅槃寂滅之相。大般涅槃獨顯其心。故佛證之爲般涅槃。故知各具方

便性淨。

涅槃而實如來無生無歿無有滅度。

疏第五佛子若有衆生下示滅妙存既爲物示滅卽體無滅鈔示滅下滅既是示卽無滅矣故爲妙存妙存二字全是無名第四章名彼論云聖人處有不有居無不無居無不無故不無於無處有不有故不有於有故能不出有無不在有無怕爾無朕斯爲妙存然出沒常湛兼明於出今但無滅故不同也

佛子。譬如火大於一切世間能爲火事。或時一處其
火息滅於意云何。豈一切世間火皆滅耶。答言不也。
佛子。如來應正等覺亦復如是。於一切世界施作佛
事。或於一世界能事已畢。示入涅槃。豈一切世界諸
如來悉皆滅度。

疏第六。佛子譬如火大下隨緣起盡有喻合結合中以機喻薪以涅槃喻火衆生善根未熟可熟者成正覺以熟之如爲火事若所應度者皆已度竟則現般涅槃寂無所爲如火息滅故法華云佛此夜滅度如薪盡火滅然現滅現生皆是涅槃大用

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

玉房而金石之二

故攝論第十名涅槃如火。既起滅在緣則益不可盈損不可虧。云云自彼非佛然也。鈔合中有四初正釋文引法華者以法華中諸師異解今將此文楷定彼義然現滅下二彰其大意明生與滅皆涅槃故既起滅下結成常住亦是無名位體中義第四已引。

佛子菩薩摩訶薩應如是知如來應正等覺大般涅槃。

復次佛子譬如幻師善明幻術以幻術力於三千大千世界一切國土城邑聚落示現幻身以幻力持經劫而住然於餘處幻事已訖隱身不現佛子於汝意云何彼大幻師豈於一處隱身不現便一切處皆隱滅耶答言不也佛子如來應正等覺亦復如是善知無量智慧方便種種幻術於一切法界普現其身持令常住盡未來際或於一處隨衆生心所作事訖示現涅槃豈以一處示入涅槃便謂一切悉皆滅度佛子菩薩摩訶薩應如是知如來應正等覺大般涅槃疏第七復次佛子譬如幻師下存亡互現由順機故此滅彼存非如來身不能長久前喻約見滅見成此喻約常見不見鈔第七存亡互現隨機見

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1

撰述

圭居疏金卷之二

故。

復次佛子。如來應正等覺。示涅槃時。入不動三昧。入此三昧已。於一一身。各放無量百千億那由他大光明。一一光明。各出阿僧祇蓮華。一一蓮華。各有不可說妙寶華蓋。一一華蓋有師子座。一一座上。皆有如來結跏趺坐。其佛身數正與一切衆生數等。皆具上妙功德莊嚴。從本願力之所生起。若有衆生善根熟者。見佛身已。則皆受化。然彼佛身盡未來際。究竟安住。隨宜化度。一切衆生。未曾失時。

疏第八復次下。大用無涯。謂正示涅槃而便分身。

無邊窮於來際。不動三昧者。究竟寂滅也。由寂無動。故無所不動耳。涅槃受純陀供處。大同於此。而佛數少。順機不同故。鈔第八至大用無涯。疏文有一先釋文。卽無名論動寂云。聖人無爲而無不爲。無爲故雖動而常寂。無不爲故雖寂而常動。雖寂而常動。故物莫能一。雖動而常寂。故物莫能二。物莫能二。故逾動逾寂。物莫能一。故逾寂逾動。所以爲卽無爲。無爲卽爲。動寂雖殊。而莫之可異也。涅槃等者。卽舉同棟異。彼第十經。大衆問品云。爾時一切菩薩摩訶薩天人雜類。出大音聲唱如是。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

聖嚴政金名之二

三

言。奇哉純陀。成大福德。能令如來受取最後無上供養。而我等輩無福所致。所設供具。則爲唐捐。爾時世尊欲令一切衆望滿足於自身上。一一毛孔化無量佛。一一諸佛各有無量諸比丘僧。是諸世尊及無量衆悉皆現身受其供養。釋迦如來自受純陀所奉設供。爾時純陀所持梗糧成熟之食。摩伽陀國滿足八斛。以佛神力悉皆充足。一切大會爾時純陀見是事已。心生歡喜。踊躍無量。一切大衆亦復如是。釋曰。彼經雖言無量化佛。但云受大衆供。無此重重等衆生數。盡未來際。此但約文以

明優劣。非當時化不能普周。亦以彼證無盡化現。皆涅槃用。

佛子。如來身者。無有方處。非實非虛。但以諸佛本誓願力。衆生堪度。則便出現。菩薩摩訶薩應如是知。如來應正等覺大般涅槃。

疏第九。佛子如來身者下。體離一邊。身若。是實。有不可滅。身若是虛。何能起滅。若有方所。此現彼無。由非實故。起滅無恒。由非虛故。能無不現。無方所故。感處卽形。本願力故。化周法界。隨堪度故。見則不同。鈔第九體離一邊。亦卽彼超境中意。彼中

有名先微出云。請覈妙道之本爲有爲無。果若有也。雖妙非無。雖妙非無。故則入有境。果若無也。無則無差。無而無差。則入無境。總而括之。卽而究之。無有異。有而非無。無有異。無而非有者明矣。而曰有無之外。別有妙道。非有非無。謂之涅槃。吾聞其語矣。未卽於心也。第五超境答云。然則有無雖殊。俱未免於有也。此乃言象之所以形是非。之所以生。豈足以統夫幽極。而擬夫神道者乎。是以論稱出有無者。良以有無之數。止乎六境之內。六境之內。非涅槃之宅也。故借出以祛之。庶怖玄之流。髣

髣幽塗。託情絕域。得意亡言。體其非有非無。妄曰有無之外。別有一有而可稱哉。今但云體離一邊。非唯離有離無。若實若虛。若處非處等。皆一邊也。佛子如來住於無量無礙究竟法界。虛空界。真如法性。無生無滅。及以實際。爲諸衆生隨時示現。本願持故。無有休息。不捨一切衆生。一切刹。一切法。

疏第十佛子如來住於下。結歸無住。上來九門。初門多顯其體。餘八皆體用雙明。今此分二。初至實際。通結九門之體。後爲諸衆生下。通結八門之用。隨時示現。正顯於用。本願力故。顯何所因。無有休

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷之二

息皆窮來際不捨已下明用分齊誰獨非涅槃而欲捨之耶。鈔第十至結歸無住結上九門皆歸無住涅槃於中有一先釋經文卽是結前之義言誰獨非涅槃而欲捨之耶者卽側用玄得中文彼以第九考得難云經云衆生之性極於五陰之內又云得涅槃者五陰都盡譬猶燈滅等下結意云云至則五陰不都盡陰若都盡誰得涅槃故玄得荅云且談論之作必先定其本既論涅槃故不可離涅槃而語涅槃也若卽涅槃以興言誰獨非涅槃而欲得之耶意云卽涅槃故更不可得下引淨

名衆生卽涅槃相此明一體故無可得今言一體故無可捨衆生卽涅槃若捨衆生卽捨涅槃也

疏是則初住實際故不住生死後不捨衆生故不住涅槃由雙住故能俱不住前卽大智後卽大悲般若常所輔翼爲無住涅槃自性涅槃衆生等有二乘無學容有前三唯佛世尊獨言具四故就無住總以結之卽安住涅槃建大事也鈔是則初住下一歸無住於中有四初正結無住無住涅槃前已具引由雙住下二出無住所以經中是住今乃結歸無住者由若不住實際安能不住生死若

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

垂露疏金卷之二

不安住大悲。安能不住涅槃。然則亦由俱不住故而能俱住。今此順文經是俱住結歸無住。故但用住以成無住。前卽大智下三別舉成無住因。卽唯識文自性涅槃下四釋歸無住之意。涅槃有四。何以但歸無住。無住涅槃唯佛得故。皆是論文具如上引。卽安住下是涅槃經。

爾時普賢菩薩摩訶薩欲重明此義。而說頌言。如日舒光。照法界器壞水漏影隨滅。最勝智日亦如是衆生無信見涅槃。

疏偈文有六初偈頌第四

如火世間作火事於一城邑或時息人中最勝徧法界化事訖處不終盡。

疏次頌第六

幻師現身一切刹能事畢處則便謝。如來化訖亦復然於餘國土常見佛。

疏次頌第七

佛有三昧名不動化衆生訖入此定。一念身放無量光光出蓮華華有佛。

佛身無數等法界有福衆生所能見。如是無數一身壽命莊嚴皆具足。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

真言金剛密宗之二

三

海

疏次二頌第八。

如無生性佛出興。如無滅性佛涅槃。言辭譬喻悉皆
斷一切義成無與等。

疏後偈頌第十初句無生之生次句無滅之滅次
句結歸涅槃無名後句結其大用無盡此二無礙。
是無住義餘不頌者舍在此中。鈔初句無生者。
如無生性無生也佛出興成也下句例知後句一
切義成故爲大用上三句是體第四句是用故云
餘不頌者舍在此中者不出體用故。

佛子菩薩摩訶薩應云何知於如來應正等覺見聞

親近所種善根佛子菩薩摩訶薩應知於如來所見
聞親近所種善根皆悉不虛出生無盡覺慧故離於
一切障難故決定至於究竟故無有虛誑故一切願
滿故不盡有爲行故隨順無爲智故生諸佛智故盡
未來際故成一切種勝行故到無功用智地故。

疏第十明出現見聞親近所生善根前九門出現
一期始終今明於上見聞功深益遠獎勵進修文
中三初徵起次正顯後結示就正顯中分二先明
見聞信向益後見聞不信益前中先法後喻法中
先總後別今初見等如後喻合中後出生下別卽

示不虛之相。有十一句。不出智斷恩德思之。鈔
第十出現見聞不出智斷恩者。初三句標三德果。
初句智德。般若滿故。次句斷德。解脫滿故。次句恩
德。法身究竟故。次一句總成上三三俱願滿皆不
虛故。後六句覆釋上三初三句釋上無盡覺慧不
盡有爲。此成事智。隨順無爲。此生理智。此二因圓
生諸佛智。即是果滿。次一句釋上究竟大悲恩德。
窮未來故。種智行成。得法身故。後一句釋上斷德。
得至佛地。無障可斷故。解脫功用故。故上出現意
業中云。得如來地。息一切用。

佛子。譬如丈夫。食少金剛。終竟不消。要穿其身。出在
於外。何以故。金剛不與肉身雜穢而同止故。於如來
所種少善根。亦復如是。要穿一切有爲。諸行煩惱。身
過到於無爲。究竟窄處。何以故。此少善根不與有爲
諸行煩惱而共住故。

疏第二喻中三喻。喻其三德。初少服金剛喻。喻
於智德。智慧破惑。如金剛故。以有智慧者必無煩
惱。故不共住。

佛子。假使乾草積。同須彌。投火於中。如芥子許。必皆
燒盡。何以故。火能燒故。於如來所。種少善根。亦復如

9 10 11 12 13 14 15 16 17 18 19 20 21 22 23 24 25 26 27 28 29 30 31

是必能燒盡一切煩惱。究竟得於無餘涅槃。何以故。此少善根性究竟故。

疏第二少火燒多喻。喻斷德性究竟者。了惑本寂故。

佛子。譬如雪山。有藥王樹。名曰善見。若有見者。眼得清淨。若有聞者。耳得清淨。若有觸者。鼻得清淨。若有嘗者。舌得清淨。若有觸者。身得清淨。若有衆生。取彼地土。亦能爲作除病利益。

疏第二藥王徧益喻。喻恩德種種利生故。文中先喻後合。

佛子。如來應正等覺無上藥王。亦復如是。能作一切饒益。衆生若有得見如來色身。眼得清淨。若有得聞如來名號。耳得清淨。若有得觸如來戒香。鼻得清淨。若有得嘗如來法味。舌得清淨。具廣長舌解語言法。若有得觸如來光者。身得清淨。究竟獲得無上法身。若於如來生憶念者。則得念佛三昧清淨。

疏二合中一。光明爲六根境界益合上藥王徧益。六根皆通在世滅後。滅後亦有見故。況憶念等。寶性論中亦明如來與菩薩爲六根境界大同於此。鈔寶性論者。論有四卷。此當第一。是成就自利。

利他偈云。諸佛如來。身如虛空無相。爲諸勝智者。作六根境界。示現微妙色。出于妙音聲。令艱佛戒香。與佛妙法味。使覺三昧觸。令知深妙法。若有衆生供養如來。所經土地及塔廟者。亦具善根。滅除一切諸煩惱患。得賢聖樂。

疏後若有衆生下。明遺迹之益。合上取彼地土。所經土地猶通現滅。其塔廟者。唯約滅後。亦同法華乃至舉一手等。皆已成佛道。鈔亦同法華者。卽第一經前已引竟。

佛子我今告汝。設有衆生見聞於佛業障纏覆。不生

信樂。亦種善根無空過者。乃至究竟入於涅槃。

疏第二佛子我今告下。明不信益者。此明益深。如來祕密藏經明罵藥服之得力。罵沉燒已還香。罵佛猶勝敬諸外道。若爾豈無罵罪。罵罪非無今語遠益。故法華云。跋陀婆羅等。罵常不輕。千劫於阿鼻地獄受大苦惱。畢是罪已。還遇常不輕菩薩教化。涅槃以毒金之鼓。欲聞不聞。無不死者。故菩薩之名。起自聞謗之日。謗尚遠益。况深信耶。况解行耶。況證悟耶。弘持之者。勉思此文。鈔如來祕密藏者。具云大方廣如來祕密藏經。此卽下卷。大

卷之三

通鑑卷之二

三

海

迦葉問。唯願說是如來祕密藏法。佛言。迦葉。於汝意云何。汝謂我行菩薩道時。所捨手足頭目耳鼻。皮肉骨髓。血及妻子。畧說乃至一切財物。處處逼惱於菩薩者。是諸衆生。不墮地獄畜生餓鬼。及諸惡趣。何以故。本行菩薩行時。志意淨故。及大誓願淨戒聚故。於諸衆生。天悲純至。及堅忍故。以大慈願饒益故。不喜自樂故。其有衆生觸娆菩薩毀罵之者。菩薩德故。不墮惡道。迦葉。我今引喻以明斯故。大功德法故。牢強精進向大乘故。息心淨故。大義迦葉。猶如病人良醫授藥。而是病人故。罵是藥。

及與良醫先毀以後乃服此藥迦葉於意云何藥以罵故不爲藥耶病不除耶不也世尊雖復罵不不失藥勢而能除病如是迦葉菩薩純淨志意無有醫不生恭敬種種觸惱然是菩薩純淨志意無有缺減又舉大寶珠有大勢力有人毀罵不失寶力又罵明燈燒之亦能除闇言罵沉者義引彼云罵赤栴檀以手搥打連燎弃之爲作何香迦葉答言作栴檀香又云如人抱執蠫穢弃之以花香供養是人有何等氣答有穢氣佛言供養外道但有見畏地獄畜生餓鬼等畏涅槃喻者卽第九經如來

性品。南亦第九卽菩薩品。文云。譬如有人以雜毒藥用塗大鼓於衆人中。擊令發聲。雖無心欲聞。聞之皆死。唯除一人不橫死者。不橫死者。卽一闡提。釋曰。彼經猶揀闡提此意取不欲聞。以喻不信而得益耳。法華不輕可知。菩薩之名者。亦卽此卷答云。云何未發心而名爲菩薩。如日光明。諸明中大涅槃光能入衆生之毛孔故。衆生雖無菩薩之心。而能爲作菩薩因緣。迦葉問言。云何未發心而作菩薩因緣。次如來舉夢中見羅利喻。初聞不信。夢中羅利令其發心云。汝若不發菩提心者。當斷

汝命寤已發心。或於二塗續復憶念。發菩提心。卽大菩薩也。生公云。菩薩之名。起自聞謗之日。佛子菩薩摩訶薩。應如是知。於如來所見聞。親近所種善根。悉離一切諸不善法。具足善法。

疏第二佛子至應如是下結不可知

佛子。如來以一切譬喻說種種事。無有譬喻能說此法。何以故。心智路絕。不思議故。諸佛菩薩。但隨衆生心。令其歡喜。爲說譬喻。非是究竟。

疏第二佛子如來下總以結酬揀喻異法上來性
起請說因喻普賢依請明十出現皆借象取譬意

卷之六

重刊西金卷之二

三
正

七

顯佛旨深玄。深玄之旨尚不可以智知。宣言象之能及。故令外忘言象。內絕思求。則庶幾於出現之旨。鈔豈言象之能及。卽周易畧例中意言者所以在意得象而忘言。象者所以在意得意而忘象。第二會已引。則庶幾下。庶幾卽周易繫詞云顏氏之子其殆庶幾有不善未嘗不知知之未嘗復行。注釋云殆者近也。庶者衆也。幾者事動之微也。謂聖人見幾賢人庶幾今令後學亞夫聖賢人。佛子此法門名爲如來祕密之處。名一切世間所不能知名入如來印。名開大智門。名示現如來種性。名

成就一切菩薩。名一切世間所不能壞。名一向隨順。
如來境界。名能淨一切諸衆生界。名演說如來根本。
實性不思議究竟法。

疏大文第五佛子此法門下顯名受持分於中分二先長行後偈頌今初準晉經此前有諸菩薩發二種問謂何名此經云何奉持今但有答卽分爲二先顯名後佛子此法門下明受持令知總名尋名求旨識受持法依之修持故今初有十名分爲五對一內深外絕對謂內證三德祕密藏故外則凡小不能測故一證寂開智對三現果成因對

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1

謂性淨萬德卽是佛種。今十門出現。卽示現義。四
越世順佛對。世尚不知。安能破壞。此十通是佛分
齊境五淨機演實對。知生佛同源則能淨故。隨緣
不變之性。諸佛本故。而性相無礙。因果圓融。爲不
思議過此更無爲究竟法。前九別義。後一總該。
佛子。此法門。如來不爲餘衆生說。唯爲趣向大乘菩
薩說。唯爲乘。不思議乘。菩薩說。此法門。不入一切餘
衆生手。唯除諸菩薩摩訶薩。

疏第二明受持中二先辨定法器。後是故菩薩下。
舉益勸修。今初有法喻合。法中二先標器非器。

非器不爲。所謂權小乘可思議乘。歷次修故名輪。
衆生是器。則爲所謂圓機。不揀凡聖。趣向大乘。揀
於小乘。不思議乘。揀於權乘。一運一切運。十信滿
心。卽攝諸位圓融無礙。名不思議乘。後此法門下。
明受非受。釋上爲不爲。有圓信手。能受衆行。故上
爲之權小於斯。不盡能受。是故不爲法集經云。是
經雖行闡浮提。於能信深法者。常在如是衆生心
手中行。亦有以信解行證。皆有手義。以後後破前
前。亦是一理。鈔法集經者。經有六卷。卽第六卷
末云。善男子。是法門多行於娑伽羅龍王世界。多

釋述

聖賢面金卷之二

卷之三

行帝釋住處多行阿那婆達多龍王處然後行闍浮提中常於諸佛所護衆生中行於直心不諂曲衆生中行於能信深法者常在如是衆生心手中

佛子。譬如轉輪聖王。所有七寶。因此寶故。顯示輪王。此寶不入餘衆生手。唯除第一夫人所生太子。具足成就聖王相者。若轉輪王無此太子。具衆德者。王命終後。此諸寶等。於七日中悉皆散滅。

疏第一喻可知

佛子。此經珍寶。亦復如是。不入一切餘衆生手。唯除

如來法王真子。生如來家種。如來相。諸善根者。佛子。若無此等佛之真子。如是法門。不久散滅。何以故。一切二乘不聞此經。何況受持。讀誦書寫。分別解說。唯諸菩薩乃能如是。

疏第三合中以經合七寶者若無此法非真佛故
生如來家合第一夫人所生太子如來相者初心
頓行佛行故散滅有二義一不能信受則教不行
故二不能修行則行不行故般若論云法欲滅時
者修行滅故下釋散滅所由可知鈔般若論者
卽金剛般若無著論上卷釋經須菩提白佛言世

尊頗有衆生得聞如是言說章句。生實信不。佛告
須菩提莫作是說。如來滅後後五百歲。有持戒修
福者。於此章句能生信心。以此爲實。當知是人。不
於一佛二佛三四五佛而種善根。已於無量佛所。
種諸善根。論云。爲欲得言說法身住處。故經云正
法欲滅時者。謂修行漸滅時應知。

疏第一 舉益勸修中二初畧標釋。一佛子設有下。

廣釋所由。三佛子至成就如是功德下總結成篇。
佛子設有菩薩於無量百千億那由他劫行六波羅蜜修習種種菩提分法若未聞此如來不思議大威德法門或時聞已不信不解不順不入不得名爲真實菩薩以不能生如來家故。

疏就廣釋中。一先反顯後順釋。今初若不依此教。縱多劫修行。尚非真實。况能疾得菩提。此中設有之言似當假設。望慈氏讚善財言。餘諸菩薩於百千萬億那由他劫。乃能滿足菩薩願行。今善財一生。則能淨佛利等。斯則舉權顯實。非假設也。若實。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 10

有此不信人者爲在何位文無定判義當三賢以入證聖必信圓故若約教道三祇亦未入玄所以凡夫頓能信者宿因聞熏爲種別故今更不信當來宣聞鈔若約教道者卽古十玄意然歷三祇設未究竟亦已入位何以得言未入玄耶是故上云若約教道施設三祇教既未真則成佛義亦非真也教不實故若約教道三祇修行必已尅證修權既深則入實教

若得聞此如來無量不可思議無障無礙智慧法門聞已信解隨順悟入當知此人生如來家隨順一切

如來境界具足一切諸菩薩法安住一切種智境界遠離一切諸世間法出生一切如來所行通達一切菩薩法性於佛自在心無疑惑住無師法深入如來無礙境界

疏第二若得聞下順釋中二先明聞信生家益後佛子聞此法已則能下信聞成行益今初先明聞信後當知下成益生如來家爲總餘句爲別別中一以如境爲家無性論云生如來家者謂佛法界於此證會故名爲生二以行法爲家具家法故三以俗境爲家世親釋云由此能令諸佛種性不

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

斷絕故。四遠離非家。五以佛行爲家。十住毘婆沙第一云。今此菩薩行如來道。相續不斷故。廣如彼釋。六菩薩法性爲家。亦是佛種性故。亦同如來一如境故。七淨當佛家。八住本佛家。九總明因果事理無礙家。前六自分家。後三勝進家。前來初住見心性故。故名生家。四地寄出世故。生道品家。八地無功用故。生無生法忍家。今此通三乘顯。凡夫解心。亦名生家。因果無礙故。鈔無性攝論。卽第六論。若世親釋云。由此能令諸佛種性不斷絕故。十住毘等者。此卽第二釋初地常生如來家文。文云。

初地心生必能常集諸善根。不休息故。名爲常生如來家。如來家者。卽是佛家。下廣釋如來義意。以涅槃實相四諦二空等。皆名爲如。智慧到彼。故名爲來。結云如來者。所謂十方三世諸佛。是諸佛家名。如來家。今是菩薩行如來道。相續不斷。名生如來家。釋曰。具如來道。卽佛行也。

佛子。菩薩摩訶薩聞此法已。則能以平等智知無量法。則能以正直心離諸分別。則能以勝欲樂現見諸佛。則能以作意力。入平等虛空界。則能以自在念。行無邊法界。則能以智慧力。具一切功德。則能以自然。

10 20 30

智離一切世間垢。則能以菩提心入一切十方網。則能以大觀察知三世諸佛同一體性。則能以善根迴向。智普入如是法。不入而入。不於一法而有攀緣。恒以一去觀一切去。

疏第二信聞成行益。十句分爲五對無礙。一卽觀不礙於止。二見佛不礙入法。三智行法界不礙起福。四智不染世不礙悲入。五體絕三世不礙用而廻向。不入而入釋上入義。不於已下復釋不入而入智體卽如。如外無法而可攀緣故無可入心行處滅寂然無入不失照用故。恒以一如而觀諸法。

故名而入此二無礙方爲真入。又一卽是如。便於一中已見一切。

佛子菩薩摩訶薩。成就如是功德。少作功力。得無師自然智。

疏第三總結可知

爾時普賢菩薩欲重明此義而說頌言。

盡要滅煩惱離眾苦。

譬人吞服少金剛。終竟不消要當出。供養十力諸功德。滅惑必至金剛智。

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

如乾草積等須彌投芥子火悉燒盡供養諸佛少功德必斷煩惱至涅槃。

雪山有藥名善見見聞觸觸消衆疾若有見聞於十力得勝功德到佛智。

疏第二偈頌卽屬第十見聞之益不頌顯名受持顯名受持後文自頌此頌應在揀法異前之前以前長行鉤鎖顯名亦是見聞益故若迴此偈於現瑞後與後偈相續文理甚順四偈分二初一頌法說後二如次頌前二喻。

爾時佛神力故法如是故十方各有十不可說百千

億那由他世界六種震動所謂東踊西沒西踊東沒南踊北沒北踊南沒邊踊中一踊是沒十八相動所謂動徧動等徧動起徧起等徧起踊徧踊等徧踊震徧震等徧震吼徧吼等徧吼擊徧擊等徧擊雨出過諸天一切華雲一切蓋雲幢雲幡雲舍雲鬘雲塗香雲莊嚴具雲大光明摩尼寶雲諸菩薩讚歎雲不可說菩薩各差別身雲雨成正覺雲嚴淨不思議世界雲雨如來言語音聲雲充滿無邊法界如此四天下如來神力如是示現令諸菩薩皆大歡喜周徧十方一切世界悉亦如是。

疏大文第六現瑞證成於中一先現瑞後證成今初先此界後類通動利等數皆廣多者法難思故

是時十方各過八十不可說百千億那由他佛利微塵數世界外各有八十不可說百千億那由他佛利微塵數如來同名普賢皆現其前而作是言善哉佛子乃能承佛威力隨順法性演說如來出現不思議法佛子我等十方八十不可說百千億那由他佛利微塵數同名諸佛皆說此法如我所說十方世界一切諸佛亦如是說

疏二。是時十方下證成中一先果人證後因人證所以具二者法玄妙故因果交徹之法故因圓果滿之法故前來諸會唯菩薩者唯因行故發心品中唯果證者果之本故初心成佛難信受故隨義各別所以互無唯斯具一二今初分四一現身二而作下讚說三佛子我等下引說證成兼明結通所說一說一切說故。

佛子。今此會中十萬佛刹微塵數菩薩摩訶薩得一切菩薩神通三昧。我等皆與授記。一生當得阿耨多羅三藐三菩提。佛刹微塵數衆生發阿耨多羅三藐

三菩提心我等亦與授記於當來世經不可說佛刹
微塵數劫皆得成佛同號佛殊勝境界我等爲令未
來諸菩薩聞此法故皆共護持如此四天下所度衆
生十方百千億那由他無數無量乃至不可說不可
說法界虛空等一切世界中所度衆生皆亦如是

疏四佛子今此會下舉益證成於中四一得因位
果滿益一生得菩提故神通三昧卽十通十定故
二佛刹微塵下得發心益與遠記者不期速成故
又前明一生卽多之一此辨多劫卽一之多旣一
多圓融何定劫數妄生多劫智日不遷苟執短長

未期成佛同號佛殊勝境者緣佛出現境故三我
等下護持久遠益四如此下結益廣徧爾時十方諸佛威神力故毘盧遮那本願力故法如
是故善根力故如來起智不越念故如來應緣不失
時故隨時覺悟諸菩薩故往昔所作無失壞故令得
普賢廣大行故顯現一切智自在故

疏第二爾時十方下因人證於中四一明集因前
果人證承前現瑞之因故畧不敘今此顯因果別
故廣出集因文顯可知

十方各過十不可說百千億那由他佛刹微塵數世

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

撰述

華嚴經金藏卷之二

印

海

界外各有十不可說百千億那由他佛刹微塵數菩薩來詣於此充滿十方一切法界。

疏二十方各過下明現身雖來自十方而周徧法界則來卽無來矣。

示現菩薩廣大莊嚴放大光明網震動一切十方世界壞散一切諸魔宮殿消滅一切諸惡道苦顯現一切如來威德歌詠讚歎如來無量差別功德法普雨一切種種雨示現無量差別身領受無量諸佛法

疏三示現菩薩下辨其德用十句文顯

以佛神力各作是言善哉佛子乃能說此如來不可

壞法佛子我等一切皆名普賢各從普光明世界普幢自在如來所而來於此彼一切處亦說是法如是文句如是義理如是宣說如是決定皆同於此不增不減我等皆以佛神力故得如來法故來詣此處爲汝作證如我來此十方等虛空徧法界一切世界諸四天下亦復如是

疏四以佛神力下發言誠證皆同普者普法同故世界佛名異者不失王伴故普光明者常寂光土無不徧故佛名普幢自在者本智高出無所不摧事理無礙故兼示結通所說

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

撰述

卷之二

三

爾時普賢菩薩承佛神力觀察一切菩薩大眾欲重明如來出現廣大威德如來正法不可沮壞無量善根皆悉不空諸佛出世必具一切最勝之法善能觀察諸衆生心隨應說法未曾失時生諸菩薩無量法光一切諸佛自在莊嚴一切如來一身無異從本大行之所生起而說頌言。

疏大文第七爾時普賢下以偈總攝文中二先敍意後正頌前中二先說儀後欲重下辨意欲重顯前十門出現故文有十句句各一門而約利生爲次不等一成正覺一卽法輪三是見聞生善此

三正顯益故四卽出現之法是前總門五卽是心約智顯故六卽圓音七卽境界境界無量生光亦多八卽涅槃動寂自在大般涅槃爲佛莊嚴故九卽是身約本說一故十卽是行果中說因故一切如來諸所作世間譬喻無能及爲令眾生得悟解非喻爲喻而顯示

如是微密甚深法百千萬劫難可聞精進智慧調伏者乃得聞此秘奧義

若聞此法生欣慶彼曾供養無量佛爲佛加持所攝受人天讚歎常供養

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

此爲超世第一財。此能救度諸羣品。此能出生清淨道。汝等當持莫放逸。

疏後正頌中四頌初一頌說分中結酬。以此總包十段意故後三頌顯名受持。初句顯名餘皆勸持且分爲三。初偈歎深難聞。次一偈明聞由多善。後偈舉勝勸持然此一品文旨宏奧能頓能圓究衆生之本源。肇諸佛之淵海根本法輪之內更處其心。生在金輪種中復爲嫡子妙中之妙玄中之玄並居凡類之心小功而能速證安得自欺不受長淪生死之中今聞解能欣尤須自慶昔善出現品竟

佛弟子孫洪基捐資七兩二錢敬刻
如來出現品一卷伏願

先少卿瀟湘公先淑人鄭氏仗此種口值佛出
現常生善處終成聖果自身悟性增明世德
克紹夙成慧業矢作金湯者

大方廣佛華嚴經疏鈔卷五十一之一 終



9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30 1

標題

西漢書

卷之二

三

東漢書

卷之二

三

章

エノ五十一

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30 1